

欽定四庫全書

普濟方卷三百六十八

嬰孩傷寒門

傷寒 附論

明 周王朱櫛 撰

夫小兒未能冒涉霜雪乃不病傷寒也大人解脫之冬傷於寒冷則不論耳然天行非節之氣其亦得之有時行疾疫之年小兒出腹便患斑者也治其時行節度故

如大人法但用藥分劑少異藥較少耳 傷寒者冬時
嚴寒而人觸冒之寒氣入於腠理搏於血氣即寒熱頭
痛體痛謂之傷寒其兼驚者是熱乘心心主血脈小兒
心神易動為熱所乘故發驚其大便不通是寒於氣而
生熱熱流入大腸故燥澀而不通其咳嗽者邪在於肺
肺主氣傷寒邪氣先客皮膚隨氣入肺故令嗽重者有
膿血也其自汗者陽虛受邪陰氣又虛邪氣又乘於陰
陰陽俱虛不能津液所以汗出也其餘熱往來是邪氣

與正氣交爭正氣勝則邪氣却散故寒熱俱歇氣若邪
未盡者時干於正氣正氣以邪氣所干則壅否還熱故
餘熱往來不已其嘔者是胃氣虛熱乘虛入胃得熱則
氣逆故嘔也其渴者是熱入臟腑得熱則津液竭燥故
渴也其鼻衄者是熱搏於氣而乘於血血得熱則流散
發從鼻出也 夫小兒傷寒得之於大人無異所異治
者兼驚而已又多因夾食而得仲景云冬受寒毒之氣
即發者為傷寒其寒毒藏於肌骨之間至春而發者為

瘟病至夏而發之者為熱病又以冬氣溫春氣寒夏氣冷秋氣熱謂之時氣萬全方云熱病傷寒溫病時氣傳變無異也凡時氣者四時之間有不正之氣也為春應暖而反寒夏應熱而反冷秋應涼而反熱冬應寒而反溫非其時有其氣其氣傷人則疾壯熱咳嗽氣粗煩渴心躁恍惚驚悸傳變與傷寒無異俗呼謂天行者是也辯三陽受病訣詩云足太陽膀胱經頭疼腰脊痛頂強轉筋難面赤心煩躁尿清熱惡寒足陽明胃之經

潮熱時微汗謔言臥不安尿紅多糞結飲水舌咽乾足少陽膽之經來往發寒熱苦口連唇舌耳重脇胷疼嘔吐喉中噎辯三陰受病訣詩云足太陰脾之經胃滿腹脹疼因冷氣攻大便常自利噎嘔實難通足少陰腎之經心煩但欲寐或渴或自利欲吐吐難通惡寒多恐悸足厥陰肝之經饑來不欲食食則吐蚘蟲渴瀉心間疼四肢冷似風其間有陰極發躁陰證似陽學者當以脈別之諸數為熱諸遲為寒無如此最驗也

小兒有證陰者即變為慢驚今列陰證庶惡識之 小兒傷寒候診其脈來一投而止者便是得病一日假令六投而止者便是得病六日其脈來洪者易治細微者難治也 小兒傷寒可醫者七 鼻內清水鼻者是肺之外應傷寒故外風吹着身皮毛及髮皆主於肺故令外湯流出清水身寒毛立後則身熱躁斗口朝乾耳冷汗出傷寒者是邪氣傷其正氣正氣軟弱則不能主於身被邪氣攻出故為汗汗出多則冷面黃無力後若

不止則體虛生風宜補實之 鼻塞傷寒是外邪氣肺所受則正氣在肺邪氣傷正氣則滯榮不衛通故乃鼻塞是發後更與通關藥耳 面赤傷寒是傷氣及邪氣入腹其肺當旺不肯受邪肺者受惠其初傳心則心氣虛故令面赤則口乾夜間不臥陰陽相克日中可則解涼藥服之 吐白水何以吐白水其陽寒受在於胃氣胃邪所傷胃弱則吐白水若吐食則入脾瘥後須變身黃脾胃俱象土故色黃宜早暖脾胃耳 兩眼黃赤傷

寒是先受在脾其色黃次傳在肝主眼故邪傷於肝故
共脾邪入之故令眼黃赤宜以洗肝後發汗耳 小便
黃赤傷寒者寒氣傷肺肺虛故不受於心心實傳腑心
以小腸為腑受邪則滯榮氣則赤後則尿如血通小便
後取之 不可醫者六 傷寒面黑者不治傷寒氣傷
皮膚本入肺肺傳腎腎主水水屬北方其色黑復傳心
心屬火其水大能克火故令面黑不治耳 傷寒大小
腸痛不治其傷寒受在肺肺以大腸為腑臟不能受倒

例傳出一藏不再傳入心則火克金心將腸小依為腑
故大小腸痛耳 傷寒忽作鴉聲不治此是傷寒邪氣
傷肺肺主聲肺被邪傷絕則聲出不迴如便作鴉聲是
肺絕也 傷寒叫聲不出不治此是傷寒入腎失解腎
氣絕不能作聲即死耳 傷寒糞黑不治何以瀉黑血
糞其傷寒邪傷肺肺絕不能行血其血黑色從大腸中
下如死鵝鴨血一般即死如無大便赤黑不妨却是熱
盛宜與涼藥耳 傷寒瓜甲黑不治瓜黑者傷寒傳肝

其邪勝正氣絕肝主筋及主諸爪甲肝絕則不能榮於
 爪甲者故為死之形也右件其傷寒皆是邪氣傷於臟
 腑滯其血氣則寒熱血脈亂不能飲食其頭疼面赤者
 則是陽毒其面青不語多哭身寒是為陰毒凡傷寒三
 日前宜汗三日後宜轉又云陰毒宜迴陽先與熱藥後方汗陽
 毒宜解先與涼藥後與汗之取轉亦此說三日前汗三日後轉此
 大略之言耳有初得便宜轉者有得之三兩後宜汗者不可拘此傷寒外證一
 見眼睛黃赤及鼻塞遍身壯熱口鼻出清水非時冷汗

加之咳嗽氣閉毛起小便如粉汁此皆是傷寒候傷寒
 候如覺面帶黑色大小腸乾痛上吐下瀉氣又刺痛耳
 內膿及眼生浮膜皆惡候也 凡治傷寒須辨表裏不
 分汗下差誤古人曰桂枝下咽陽盛即斃承氣入胃陰
 盛乃亡孫真人云汗下相反其害甚速如魚出水若蟻
 入湯傷寒有表證有裏證有半在表有半表在裏有表裏兩
 證俱見有無表裏證在表宜汗在裏宜下半在表半在
 裏宜和解表裏俱見兩證參詳無表裏證大柴胡湯下

審驗汗下吐證者千金云陽盛陰虛汗出即死下之當愈陽虛陰盛下之即死汗出即愈身熱增寒汗出陽虛宜汗身熱潮汗熱出陰虛宜下調經論云陽虛則外寒陰虛則內熱陽盛則外熱陰盛則內寒似此別之汗強汗津浪枯竭而死合汗不汗竅閉悶絕而死不下強下洞洩不禁而死合下不下腫脹煩亂而死惡寒者不當風而憎寒惡風者不當風而憎寒皆屬表又云大法春宜汗秋宜下發熱惡寒身體痛而脈浮凡傷

寒發表須當隨輕重而汗有發汗者有和解者兼四時發汗亦自不同春不可大發汗以陽氣尚弱可用小柴胡湯之類冬不可發汗者以陽氣伏藏不問傷寒病數用桂枝麻黃各半湯或得少汗而解或無汗自解病勢甚者不拘此夏月天氣大熱而脈洪大宜正發汗不可用麻黃桂枝熱性藥須是桂枝麻黃加黃芩石膏知母升麻夏月有桂枝麻黃證不加黃芩輩服之轉助熱氣發黃斑太陰脈浮少陰發熱亦須發汗脈經云汗不

出不至足者死熱病得汗大熱不去者死 脈沉數細
熱寒少脈微虛煩腹間有動氣衄血壞病已發汗吐下
不解為壞病 不惡寒反惡熱手掌心并腋下濺濺汗
出胃中乾燥糞結聚潮熱大便硬小便如常腹滿而喘
或譏言浮脈而滑或心胃連臍腹大改注悶腹中痛坐
臥不安胃悶喘急極者不候他證便下之凡大便秘妨
悶恐尚有表證者亦少少飲小承氣湯微解之不可過
多令大洩也若失下則氣血不通四肢便厥醫人不識

反疑是陰厥復進熱藥禍如反掌不可不察 陽明病
自汗若發汗小便自利不可下宜密遵法通脈浮惡寒
脈虛不轉失氣是腹中動氣也大便堅下小便少未可
攻之恐津液還入胃必先硬後溏也小便如常乃可攻
之當問其小便日幾行若大小便日三四行今日再行
故大便不久出今為小便數少以津液還當入胃故大
便不久必通也 王氏云傷寒有承氣之戒又問轉藥
孰緊答曰大承氣湯最緊小承氣湯次大柴胡湯又次

之仲景治法蕩滌熱積皆用湯液不可用丸子 孫真人云服大承氣湯得利瘥忌不可服補藥熱氣得補服成便下之是重困也 凡病人非大渴不可與冷水若小渴口燥咽乾小小呷滋潤之若大渴煩躁能飲一升者與半升隨力量多少但減一半若不與則無由作汗乾燥煩喘而死者多矣但莫令足意飲也若大汗將來躁渴甚者足意飲之勿疑常見人因渴飲水而得汗見小渴遂強與之致停飲心下滿結喘而死者亦多矣其

熱脈數尚可作汗而解者出於幸也 胃膈痞滿痰壅塞噤脈浮或滑並宜瓜蒂散吐之虛人當吐不敢吐宜枳實散壓氣毒痰水過則毒入胃乃可微吐枳實散枳實為細末每服半錢米飲調下 驗陰陽二厥者各自不同陽厥者微厥却發熱若陰厥却不發熱四枝逆冷惡寒脈微而細大小便滑洩又一法陽厥手掌中心溫熱陰厥俱冷 驗表裏兩證俱見者傷寒表證當汗裏證當下不易之法也發表攻裏本自不同甘遂神丹不

可合飲桂枝承氣安可並進假令病人脈浮而大是表證當汗其人發熱煩渴小便赤却當下此皆表裏俱見五苓散主之假令傷寒不大便六七日頭痛有熱者是裏證當下其人小便清者知不在裏仍在表當須發汗此是兩證俱見即未可下宜與桂枝湯假令病人心不滿口燥不飲食大便堅脈沉細是裏證當下頭痛汗出微惡寒手足冷却當汗此兩證俱見者仲景所謂半在表半在裏是也小柴胡湯主之假令病表證未除而醫

數下之遂陽熱而利利不止心下痞硬仲景謂之表裏不解桂枝人參湯主之假令木太陽病醫反下因而復痛是有表復有裏仲景用桂枝加芍藥湯痛甚者桂枝加大黃又云太陽病桂枝證醫反下之利不止脈促者表未解而汗出者葛根黃連湯主之凡小兒單受傷寒與升麻惺惺散小柴胡湯如大便堅或焦黃洗心散四順散八正散兼瘡豆皆可服如夾食傷寒法當以紫丸子遂食後與加減惺惺散果有食方可用如無食證

飲利大便宜湯液利之若時行瘡豆兼有豆證未可用
九子下之宜與消食藥隨證調理如夾驚傷寒與紅龍
散紅連散紅綿散紅桃散鎮驚藥更與傷寒正方中對
證擇用之 三傷寒詩 驗夾驚傷寒頰赤身多熱心
煩又畏寒唇紅微有渴驚哭睡難安 驗夾食傷寒頭
疼并腹痛嘔逆又嘔煎臟腑腥酸臭蒸蒸不肯眠 驗
單受傷寒嘔煎多困倦身熱燥皮膚鼻內流清涕頭疼
嗽喘麤 馬詹都巡孫男二歲夾驚傷寒潮熱大便堅

忽吐數口發驚召醫視之見吐而驚搐便認為慢驚用
溫驚藥治之三日病色危余曰兒本傷寒因熱盛飲發
急驚偶因傷乳吐數口發搐看見兒舌白唇紅大便黃
實目青身熱吐出酸臭此食癩也煎四順飲送下紫九
子瀉數行主人曰因吐生驚豈可雙下瀉藥答曰不入
虎穴安得虎子況此病是食熱證不以下藥瀉熱無由
定驚主人聽用瀉數行後以青金丹二服驚搐小定并
琥珀散三服病退一半來日仍舊驚搐目鮮面赤唇紅

小便少赤與洗心散驅風膏琥珀散各二錢病除主人以為是更不服藥余曰病未全除血氣盛則當再發矣後五日果發搐再為驅風膏琥珀散洗心散治之安愈此兒名曰再生 林有編修孫男二歲夾驚傷寒召醫視之五日發忽驚搐用珍珠丸下痰愈而復作召余視之曰兒本傷寒有下證為失下熱不去故驚搐也余以調胃承氣湯瀉數行與琥珀散驚搐遂定後有潮熱發時氣粗昏困大便焦黃絕熱退則連聲咳嗽氣粗延盛

嗽退仍舊潮熱如此五日調理未退林交問此何病也答曰諸書皆不言嗽退而熱熱退而嗽古人立法止說大綱要之隨機應變不可膠柱調瑟也今此餘子邪流入心肺二臟相傳故曰熱退而嗽嗽退而熱經曰七傳者死間臟者生此乃七傳當死經曰七傳者心傳肺肺傳肝肝傳脾脾傳腎腎傳心一臟不再傷故言七傳者死也可喜者是秋八月肺旺受心之邪衰兼食而不瀉尚可療救問曰何治法曰對證潮熱來時與小柴胡湯

大柴胡湯各加黃連黃連能瀉心乃瀉其強也咳嗽來時與補肺散參杏膏潤肺散補肺者恐心傷肺故補其弱也錢氏云瀉其強而補其弱果愈主人曰兒病雖安願聞其理答曰以斧伐薪可謂必克矣然不脩其理則斧可缺薪不可破以藥對病可謂必安矣然不脩其證則藥不效病不得愈今二證交互嗽熱相形當分證而治之主人曰善哉 全嬰論云張氏二子大者十三小者十歲俱患頭疼發熱召余視之曰大者當汗小者當

下主人曰所苦正同何異治也答曰大者病在表小者病在裏所以異治也即各與藥翊日俱安主人曰何知在表裏也答曰大者頭疼發熱但惡寒緣陰邪頗盛知病在表法當汗之小者頭疼潮熱不惡寒緣陽邪盛知病在裏法宜下經云陽盛陰虛下之當愈陽虛陰盛汗之即安汗與麻黃湯下與調胃承氣湯 丁松秀才二女大者十五小者十三俱患頭疼大者不熱面青鼻塞小者頭疼不熱面紅鼻乾召余視曰大者瓜蒂散小者

通頂散並吹鼻即安主人曰受病無殊用藥何異答曰
孫氏云頭疼鼻塞因中寒濕頭疼鼻乾因受風熱今大
者頭疼不熱面青鼻塞為中寒濕詢之病因沐頭倉公
論曰沐頭未乾而臥則厥頭疼至肩爪蒂散吹鼻出清
水并溫水調服令吐涎未全退惺惺散加川芎小者頭
疼不熱面紅鼻乾為風在腦詢之未病之前日青多眵
肉多眵動通頂散吹鼻令涕噴則可以知消息矣却并
以朴消水調頂顛之上若未全退則又服消風散俱安

主人曰小兒疾雖痊瘥然而其理則某未聞也余曰答
鼻出清水者去其寒濕之病吹鼻噴涕者去其風熱又
病同藥異之說予故引素問云陽病治陰陰病治陽退
熱以寒藥退寒以熱藥實病虛之虛病實之知斯道者
用則必中 小兒傷寒證候止議三種乃為正要有正
受夾驚夾食前述傷寒並用脫甲散其病 分三種須
當究論輕重鼻塞小便赤咳嗽關竅不通壯熱面紅頭
疼體重渾身手足俱熱 凡治小兒正受傷寒及感寒

邪傷風諸證宜服人參羌活散小便赤色或心神不寧
病在表裏之間或再復發宜與小柴胡湯一二服 凡
治小兒夾驚傷寒神困昏悸頭疼氣粗宜服王氏杜薄
荷及風散 凡小兒夾食傷宥寒即先與微利次與脫
甲散或人參羌活散下之柴霜丸為上取微利為度大
抵小兒傷寒不可重表亦不可重下亦不可重行表之
理令兒虛之困重即成壞證難療 凡小兒傷寒雖無
多事須是認證分明應傷寒傷風只可表惟有夾食宜

下之凡夾食傷寒脚微冷似有積證相類但此等傷寒
自是不同不可不問知其端的然後次第進藥仍丁寧
病家令避風濕與忌生冷勿令強力無恣飽食恐勞胃
氣其病再復且醫家調理即須審度無有是瘡疹盛時
及左右隣舍有無所患之者若或有之亦不妨事但表
解藥與服不可妄投驚藥餘無恙矣惟有壞證蓋由前
人用藥不當撥孩陰陽故致為壞或因觸受風邪致故
為壞或因強力食毒故致為壞或因冷濕傷於經絡故

致為壞壞則極難治小兒傷寒候惟有咳嗽一證不為容易若有此證宜服人參枳實湯尅效萬萬不可攻擊善醫者察之為良也 傷寒是寒氣客於皮膚寒從外搏於血氣腠理閉密氣在內不得外泄蘊積故頭疼壯熱體疼所以須解其皮膚令腠理開津液為汗發泄其氣則熱歇 凡嬰孩傷寒不可以燥藥發汗也發汗則孩子一向燥極於臟腑熱極傷於心氣多厥不可也不可治也若以性寒湯藥陽受於冷冷熱相擊孩子一向

驚叫不睡熱衝於腦頭縫開張皮肉筋四肢汗出如油手足或熱或冷多狂癲驚應即不可治也 小兒身微熱嗽哇吐乳鼻塞咳嗽此候因母抱兒子當風處吹着背脊至此所治者當日下天麻散二服朱砂膏二服其患即愈不得悞動臟腑 傷寒變遂夾驚夾食中風所中風寒各說有一因依根原各別下藥有殊如調理上件傷寒傳變吐不止大小便不通大渴耳內膿出身上生班點赤心狂眼視鼻口乾燥死候不治 嬰孩小兒

單傷寒者渾身壯熱鼻流涕身上寒毛起咳嗽欲喘
宜用解傷寒紅綿散三二服間調胃氣進乳食觀音散
一二服如有餘熱未退睡裏多驚須進七寶輕青丹三
二服調胃氣觀音散三二服 尋常風壅發熱鼻涕痰
嗽煩渴惺惺散主之咽喉不利痰實咳嗽鼠黏子湯主
之頭顙身體溫熱大便黃赤腹中有熱四順散連翹飲
三黃九主之頭額身體溫熱大便白而酸臭者胃中有
食積雙九主之小兒無異痰惟飲食過度不能自節心

腹脹滿身熱頭痛此雙九悉治之小兒體潮熱頭疼發
痛心神煩燥小便秘此熱劇也洗心散調胃承
氣湯主之頭疼發熱而畏人寒者此傷寒證也升麻湯
主之無汗麻黃黃芩湯有汗者升麻黃芩湯皆要藥也
小兒尋常不可過當服涼藥胃冷蟲動其證與驚相類
醫人不能辯往往復進驚藥加麝腦之類遂發吐胃虛
而成慢驚者多矣小兒須有熱證方可踈轉仍慎用九
子藥利之當以大黃川芎等哎咀作湯液以蕩滌蘊熱

蓋九子巴豆乃攻食積耳 問小兒傷寒瘟疫者為何
答曰神氣雖完性情未定衣裳不擇於原薄或恣情脫
而着嬌縱不常生冷任意或過餐寒食之物因此致患
頭疼寒促發熱增寒或飲多尚渴或虛汗連連精神噉
唾因綿綿用藥須精審其根源察病表裏仍看脈體未
可便下切須要知虛實消停藥分切在意處方治之
小兒傷寒形候亦分數類有兼驚夾實氣驚溫在痰三
證一兼驚者因患驚風三日治得驚退第四日至五日

勿有噉息麤大面色恍惚變動無時上渴不止急且治
脾宜下麥湯散平胃丸附子散萬一記之不得冷藥恐
冰却脾氣伏熱下退二挾實者本因孩兒肥實喫食無
度傷飽而閉氣却胃氣其候嘔逆一見唇紅面赤便問
曾吐嘔逆無如已曾吐嘔逆必須頭痛或瀉不止乃用
鮓湯丸通利後勻氣散夾麥湯散服之驚氣者本因氣
膨脹咳嗽咽喉中涎響心間煩燥臟腑疼痛夢中虛驚
烏犀膏衮涎次下麥湯散及大驚丸相夾服兩日後方

下鮓湯丸通利一二日氣行後常服醒脾平胃湯藥如傷寒後或遍身生黑黯血所謂蘭斑形證不可用藥三溫壯者亦渾身微熱面紅常困睡微汗因客風吹着毛竅冷氣急鼻塞大體與變蒸相似只在麥湯散紅綿散治之亦安小方脈論傷寒皆因三陰三陽受病緣未辨東西不能言語雖即遍身壯熱四肢不任其狀多喘難為識候凡傷寒與諸熱疾皆同奈諸熱不生呻吟惟傷寒呻吟眉聚是也宜服煎散 茅先生小兒初受傷寒

候歌小兒傷寒身壯熱面赤唇紅眼赤黃身上寒毛初凜凜更兼冷汗潤汪汪鼻中清涕涓涓滴小便如粉又如漿上喘鼻塞將加嗽口乾嘔逆是尋常看有諸般難治療別為章句好推詳 茅先生小兒傷寒死候歌傷寒吐不止便溺更難通汗後發熱渴耳中瘡潰膿身生斑黑點鼻血出傾筒咳嗽四肢厥心狂下所攻體軟睡不寤腹脹喘聲雄手足心熱痛此候命須終 又傷寒死候歌小兒傷寒面色黑耳內有膿聲噎塞氣逆吐瀉轉

加增大腸乾泄浮眼極醫士精神還更昏千萬歸泉休
費力 玉訣小兒傷寒候歌鼻多清涕肺傷風寒氣相
傳鼻不通壯熱脈浮生內熱發驚涎盛轉加膿 此患
先與治風後與下涎次調胃氣也 玉訣小兒傷風候
歌鼻塞傷風肺受寒喘咳驚啼臥不安頰赤口乾頻發
熱吐瀉邪攻臟腑傳 此患先與解熱後下風涎次平
胃氣故無悞也 石壁經三十六種正傷寒候歌傷寒
初得渾身熱惡哭多啼無喜悅眼紅臉赤類驚風鳳髓

經一句云只看眼急似驚風却被醫人道驚熱但須涼
膈莫令渴渴便飲水無休歇若將三黃散子服汗出身
輕便無熱 夫風邪寒入肌體汗閉熱氣內蘊致使煩
燥而多渴喘嗽汗不得泄發熱不止若服冷藥太甚則
使汗不出而反作別也須先出汗次涼膈方愈若不然
則慢脾慢驚緣此得之 小兒目急壯熱氣喘嗽面赤
先與解表散喫後用南星丸退風熱如不退將三黃散
與喫 小兒傷寒惡風惡寒者必俛人藏身引衣密隱

是為表證可為取其汗也惡熱內實者必出頭露面揚
手擲足煩渴燥糞揪衣氣麤是為裏證可略與疎利也
至若頭額冷手足涼口中氣冷面色黯淡大便瀉青此
是陰病裏虛當以溫藥救其裏也舉是三者汗下溫之
法可以類推矣發汗用桂枝麻黃各半湯加黃芩解肌
用香蘇散加乾葛通利四順清涼飲微利人參敗毒散
溫裏理中湯厥冷甘草乾薑湯尋常感冒惺惺散或參
蘇飲傷風發熱人參羌活散或天麻防風丸壯熱者升

麻葛根湯潮熱者生犀散小柴胡湯加大黃小便不通
者遵赤散五苓散甘露飲表裏俱熱加表裏俱見之證
洗心散主之咳嗽則人參潤肺散加紫蘇夾食則異香
散紫霜丸輩然亦視小便或赤或白可以知裏熱之有
無或清或濁可以知裏熱之輕重幼而嬰孩則以虎口
指紋之紅色驗之長而童孺則一指按其三關據左手
人迎之緊盛者斷之所謂七十二證其證某方皆無越
張朱格例將不過小小分劑而中病則止也 夫小兒

傷寒與大人不同何也小兒竒經未盛精神未全八脈皆虛七神尚弱語言不正喜怒不節性情未定非食穀味專於精神也真牙未生變蒸尚在豈不異於大人哉設令小兒十歲已上卒暴身壯熱惡寒四肢冷或耳聾冷鼻中熱氣或為癍疹也與傷寒表證相似胎氣如發自內之外與傷寒表證同治者誤也當作小癍瘡治之小兒傷寒身熱頭痛面赤者在表也麓氣腹滿小便赤澁者在裏也小兒形後雖有汗下之病未及五歲可以

視聽未可脈別故不行於胘五歲已上穀氣漸實可以脈別浮沈遲數表裏寒熱容色聽聲而得其全故知小異大同也 辨小兒傷寒一口中二口中醋氣三姪辨不消四肢中疼痛也 十二件傷寒雜證頭疼體痛是傷寒鼻塞或流涕是傷寒喉內喘息是傷寒兩手脈洪數是傷寒頰赤眼澁是傷寒身上寒毛起是傷寒口鼻出水是傷寒眼赤黃是傷寒口乾澁者是傷寒咳嗽者是傷寒山根赤色是傷寒噴嚏是傷寒 凡傷寒發熱

之初不問大人小兒急須表汗次當發散然調理須在一晝夜得熱退乃保無虞今之醫者多不用麻黃但初用惺惺散羌活散之屬此乃常法致有三失五日熱不除入於經絡搏於血氣傳變多證或作驚風漸至危篤傷生之命可不慎乎小兒傷寒當辨其證即投解肌湯三服汗透而熱漸輕次用人參羌活散或渴間以白虎湯次用參芪等藥 夫斑毒有二證有溫毒發斑有熱毒發斑因冬月觸冒寒毒之氣至春始發熱毒發斑因

夏觸冒暑毒發汗已經汗下熱即發大抵斑毒四時感於寒暑之氣或未發汗下熱毒不散表虛裏實血溢不行故徧身發出斑瘡及癰疹如綿紋巢氏云發斑不可用表藥 夫陽毒傷寒者蓋言陽氣勝而為毒害其脈浮大而數身重頭疼面赤有斑斑如綿紋狂言見鬼咽喉腫痛下痢膿出血五日可治七日不可治也

方

加減惺惺散 治小兒傷寒無汗頭疼發熱惡寒并天

行熱氣生疏豆瘡不快煩燥昏憤或出瘡豆身疼體熱者

蒼木茅山接者 川芎 細辛 羌活 防風 白芷

瓜瓢根 甘草 赤芍藥 桔梗 麻黃去節 荆芥

當歸 薄荷

右等分為末沸湯調下半錢或作飲子水煎亦可

羌活散 治大人小兒四時傷寒熱病時行疫癘山嵐

瘴癘早晚中露霧及暴中風寒並宜服之不論陰陽

證候老幼虛實服之使無變動汗出即安

川羌活 獨活 柴胡去蘆水洗 前胡去蘆 川芎 桔梗

白茯苓 削木 防風各一兩 細辛去苗葉好者 官桂

甘草炙各半兩 枳殼湯浸去瓢細切焙乾麩炒一兩

右為細末每服三錢水滿盞薑三片棗二枚同煎八

分和滓熱服連三服汗出便安小兒看多少加減服

并乳下一喫如路行不及煎白湯點熱酒亦可

人參散 治大人小兒傷寒候神聖方

人參 荆芥 甘草 防風 乾葛 肉桂 五

加皮 桔梗 川芎 柴胡 陳皮 芍藥 各半兩

麻黃 一兩去節 依法製

右為細末每用一錢水一盞入烏梅一枚煎六分服

常服出汗熱進三二服

大黃飲 治小兒壯熱實滯不去寒熱往來微驚悸方

方見諸熱壯熱類

人參羌活散 治傷寒發熱及煩渴痰實咳嗽小兒寒

邪溫病時疫瘡疹頭疼體痛潮熱

羌活 白獨活 柴胡 去蘆 川芎 人參 去蘆 甘草 炙

白茯苓 各一兩 前胡 桔梗 地骨皮 天麻 酒浸 焙各

半兩 枳殼 一兩去穢炒

右以咀每服一錢水半盞薑一片薄荷一葉棗子半

枚煎至三分大小加減瘡疹未發之前亦可服一方

作細末

大效人參枳實湯 治傷寒後氣不和順喘急咳嗽胃

膈鬱塞日夜頻悶神困力乏不思飲食仍治虛痰煩
滿頭目昏暈但是傷寒感冷咳嗽並宜服之

枳實

四箇米泔浸
去穢麩炒

桑白皮

甘草

灸半夏

湯泡七
次仍切

以薑
汁浸

白茯苓

款冬花

五味子

阿膠

麩炒
微細

辛

各半兩
去葉

人參

一分麻黃

去
節苦梗

各半
兩

右以咀每服小一撮水一盞薑三小片棗半箇烏梅
少許同煎至半盞去滓通口服二滓併煎凡小兒傷
寒作熱頭痛等證或已發散退熱化痰定喘或安已

神定志開胃進食兒孩平復父母忘憂喜之善尚有
咳嗽不愈由邪氣入肺無能得出不堪吐利何由而
安凡兒傷寒後及感風咳嗽不愈者宜服之此藥瀉
肺補氣寬膈化痰滋潤五臟和益三焦不惟治嗽調
中更良

大青散 治小兒傷寒頭痛壯熱煩渴

大青

半兩知母

半兩柴胡

半兩葛根

半兩甘草

半兩石膏

半兩黃芩

川升麻

半兩石膏

半兩黃芩

半兩川芒硝

一分赤芍藥

半兩梔

子仁半兩

右為散每服一錢以水一小盞煎至五分去滓不計時候溫服量兒大小以意加減

五味子湯 治小兒傷寒病久不除瘥後復劇瘦瘠骨立方見諸熱門壯熱類

升麻湯 治小兒傷寒變熱毒病身熱面赤口燥心腹堅急大小便不利或口瘡者或因壯熱便四肢攣掣驚仍或癇疾時發時醒醒後身熱如火悉能見效一名

十物升麻湯

升麻 白微 麻黃去節 萎蕤 柴胡 甘草各半兩

黃芩一兩 朴硝 大黃 鈎藤各六銖

右以咀以水三升先煮麻黃去上沫內諸藥煮取一升兒生三十日至六十日一服二合六十日至百日一服二合半百日至二百日一服三合臨熱入硝再煎服

麥煎散 治傷寒咳嗽大便不通

麻黃湯去節 貝母炒 知母 大黃蒸 羌活 甜苧蔴

地骨皮炒 石膏煨 甘草炙 滑石各一分

右為末每服一錢水半盞小麥十粒薄荷一葉煎至

三分服之

十味湯 治小兒傷寒身熱頭痛咳嗽喘鳴鼻乾不得

臥者一名敗毒散

前胡去蘆頭 柴胡去苗 甘草炙 人參 獨活去蘆頭 桔梗

炒 赤茯苓去皮 枳殼去瓤炒 芎藭 羌活去蘆頭

右篋搗節每服二錢水一盞入生薑三片大棗二枚

劈破同煎至七分出滓分溫三服一方加防風等分

入薄荷煎服錢氏加甜苧蔴半兩薄荷葉半兩一名

羌活散

麻黃湯 治小兒傷寒寒熱往來

麻黃去節 牡蠣 雷丸各十分 乾薑 桂心 枳殼

厚朴炙各四分 白斂去四分 大黃六分 蜀椒研一分

右取猪脂一斤細切合藥杵熟入絹袋中炙微熟摩

兒腹背手足令遍如袋汁盡絞令汁出摩訖粉之厚衣抱汗出宜于春夏用之至秋冬不可用也

取汗湯 治四五歲小兒傷寒

麻黃三分射干 甘草炙升麻 芍藥 貝母

石膏研各二分桂心一分杏仁去皮二十箇

右切以水三升煮至一升二合兒强者三合弱者二合便令臥取汗如人行十五里再服之

辛梗湯 理感風傷寒風熱頭疼壯熱鼻涕咳嗽有痰

人參 乾葛各三兩白朮 茯苓去皮甘草炙細辛去土

桔梗各一兩柴胡 升麻各三分

右以咀每服二錢水一盞生薑兩片薄荷三葉煎至五分去滓服不問傷寒傷風發熱宜先用此藥以調

之

麻黃湯 治小兒傷寒發熱咳嗽頭面熱者

麻黃 生薑 黃芩各一兩甘草 桂心 石膏

芍藥各半兩杏仁十枚

右呖咀以水四升煮取一升半分二服兒若小以意減之

小青龍湯 治傷寒溫疫表未解惡寒體熱水停心下

乾嘔發熱咳嗽喘急及主肺脹胃滿鼻塞清涕咳逆上氣喘鳴迫塞仲景治表不解心下有水氣乾嘔發

熱而嗽或渴或痢或小便不利或噎水腹滿喘者主之

麻黃 三分去節微利者去麻黃加荏苒如彈子大炒令赤色若噎者去麻黃加附子半錢炮若

小便不利小腹滿者去麻黃加茯苓一兩喘者去麻黃加杏仁三分去皮尖用 赤芍藥 三分

半夏 三分炮若渴者去 細辛 乾薑 甘草 桂

枝 去粗皮 五味子 半

右呖咀每服三錢水一盞煎至七分去滓加減服之

八正散 治小兒傷寒壯熱及潮熱積熱斑瘡水豆心

躁發渴大便不通小便赤澁口舌生瘡

大黃 梔子 木通 滑石 甘草 炙 瞿麥 車

前子 炒各半兩 地扁蓄 一兩

右為麤末水煎去滓量大小加減瘡豆中加紫草煎服不拘時一方為末每服嬰孩一字二三歲半錢四五歲一錢

射干湯 治小兒四五歲傷寒壯熱頭疼取汗

射干 灸 升麻 剉 芍藥 石膏 搗研各半兩 麻黃

去節根 杏仁 二十枚湯退皮尖雙仁麩炒 桂心 去麤皮一分

右麤擣節每服一錢水一小盞煎至五分去滓溫服後以衣蓋覆出汗更量兒大小加減

犀角散 治小兒傷寒頭痛壯熱

犀角 屑 黃芩 川大黃 剉碎微炒 赤芍藥 麻黃 去節

苦蘗 瓢各一分 柴胡 半兩去苗 石膏 半兩細研

右麤羅為散每服以水一小盞煎至五分去滓量兒大小以意分減溫服

抵聖丸 治傷寒五日不能言語熱在胃中

犀角 屑 麻黃 去節 黃芩 釜下黃土 梁上塵

竈突墨 各半兩 川大黃 剉研微炒 川朴硝 各一兩

右為末鍊密和搗三二百杵丸如彈子大每服不計時候以新汲水研服一九如渴飲新汲水當有汗出良久未汗即更服一九汗出熱退能語若小兒即量力服之

當歸湯 治小兒傷寒發熱服解肌湯不除

當歸 桂心 甘草炙 黃芩 芍藥 人參 乾

薑各一兩 大黃三兩

右切以水三升煮一升去滓下芒硝一兩再煎三兩

沸三百日半合二歲一合如不利加之取利為度

輕青丹 治嬰孩變蒸及小兒傷寒溫土斑瘡水豆夜

啼驚叫諸驚餘熱口内生瘡小便赤色一名七寶輕青丹

葛粉 鈎藤炒為末 天竺黃各一分 螺頭青黛半兩 白附

子三字炒 丁香一字炒 麝香一字別研用半 鉛錫灰二錢

名鉛白霜

右為末粉粟米煮糊為丸如黃豆大嬰孩每服一九分三服三二歲每服一九分二服四五歲每服一九

薄荷密熱水磨下

地骨皮散 治虛熱潮作亦治傷寒壯熱及餘熱往來

知母銀州 柴胡銀州 甘草炙 半夏湯洗切焙 人參去須切焙 地骨

皮 赤茯苓等分

右為細末每服二錢薑五片水一盞煎至八分食後
溫服量大小加減服之

桂枝麻黃各半湯 治太陽病得八九日如瘧壯熱惡
寒熱多寒少其人不嘔清便欲自可一日二三度發

微緩者飲愈也脈微而惡寒者此陰陽俱虛不可便
發汗更吐下也面色反有熱者欲未解也以其不能
得小汗出身必痒

桂枝去皮八錢一字 芍藥 生薑 甘草 麻黃去節各半兩

杏仁十二枚去皮尖 大棗二枚

右為細末每服三錢水一盞煎至八分去滓酌兒大
小加減溫服

大青龍湯 治大陽中風脈浮緊發熱惡寒身疼痛不

汗出而煩燥者宜用若脈微弱汗出惡風不可服及治傷寒脈浮數身不疼乍輕乍重少陰證者

麻黃三兩 去節 桂枝一兩 去皮 甘草炙一兩 杏仁二十箇 去皮尖 大棗

五枝 生薑一兩 半 石膏如半箇 雞子大

右以咀水一盞煎至七分去滓每服三錢汗出為度量大小加減

五味子湯 治傷寒喘促脈伏而厥

人參一分 杏仁一分 去皮尖炒 五味子半兩 麥門冬一分 去心 橘皮

一分 乾薑一分 棗子五箇

右為飲子水一盞煎至七分加減服

小柴胡湯 治太陽病十日以去脈浮細如嗜臥者外

已解設胃滿腹脹宜服傷寒五六日中風往來寒熱胃脇若滿默默不欲食心煩喜嘔或胃膈燥而不嘔或渴或腹中痛或脇下痞硬或心下悸小便不利或不渴身微熱或咳者宜服血弱氣盡腠理開邪氣因入與正氣相搏結於脇下邪正分爭往來寒熱休作

有時臟腑相連其痛必下邪高痛下故使嘔也宜服傷寒五六日身熱惡風項強脇下滿手足溫而渴宜服傷寒五六日頭汗出微惡寒心下滿不飲食大便硬脈細者為陽發結必有表復有裏也脈沈亦在裏也汗出微陽微假令純陰結不得復有外證也悉在裏此為半在表半在裏也脈雖沈緊不得汗非少陰病所以然者陰不得有汗今頭汗出故知非少陰也宜服設不了了得糞而解陽明病發潮熱大便溏小便少胃脇滿宜服陽明病脇下硬滿不大便而嘔舌上白者宜服陽明中風脈弦浮大而短氣促腹滿脇下及心下痛久按之氣不通鼻乾不得汗嗜臥一身及目悉黃小便難有潮熱而嘔身前後腫過十日脈續浮宜服傷寒溫疫身體壯熱頭痛項強腰脊四肢疼痛脇下牢滿乾嘔送不能飲食及病瘥後往來寒熱痰實嘔逆肌體羸瘦倦怠少力活人書云身熱不渴來有熱小柴胡加桂閻氏云小柴胡治瘡豆甚驗

欽定四庫全書

柴胡二兩 黃芩

人參

甘草

炙各三分

半夏

一兩半泡

生薑

三分大棗十枚

右為飲子加減煎服孫兆改名黃龍湯近世此藥盛行患傷寒不問表裏陰陽皆令服之甚誤矣此藥傷寒論雖主數十證其間有二證不可服有五證最的當服之必愈不可服者有二證一者因渴飲而嘔二者身不溫熱當識此二證明矣可服者五證一者身熱心中逆或嘔逆二者寒熱往來三者潮熱四者心

煩脇下滿或渴或不渴五者傷寒已瘥後更發熱此五證但有一證更勿疑便可服之必瘥餘證候子細證詳方證及脈候相當方可用不可一槩用也世人但知小柴胡湯治傷寒不問何證便服之反有所害緣此藥稍寒也唯此五證按而行之庶無失也不可不察也本方更有加減法雖不在此五證內用之亦效今亦載於此若胃中煩而不嘔去半夏加人參括萎根各一兩腹中痛去黃芩加芍藥三分極效常時

腹痛亦療脇下痞硬去大棗加牡蠣一兩若心悸小便不利去黃芩加茯苓一兩若不渴外有微熱去人參加桂枝三分溫覆微汗愈若咳嗽去人參大棗加五味子半兩乾薑半兩元祐二年時行無大小皆咳嗽服此皆愈常時上壅痰實只依本分臨臥食後服甚效赤白痢中藥無如此驗益痢多因伏暑此藥極解暑病凡傷寒之人審是暑不問是何候連進數服即解一方治傷寒發渴鼻衄加生地黃

右呔咀每服二錢水半盞生薑三片棗子二枚煎至二分去滓溫服溫病中暑熱甚宜服

葛根橘皮湯 治小兒冬寒未即病至春積寒所折不得發至夏得熱其寒解冬溫始發肌中斑爛癰疹如錦紋而咳心悶但嘔清汁者服

葛根 橘皮 杏仁去皮尖炒 知母 黃芩 麻黃

甘草炙各半兩

右呔咀白水煎加減服

大黃散 治小兒陽毒傷寒未解熱結在內恍惚如狂

大黃兩一分 桂心三分 甘草 木通 大腹皮各一兩 芒硝

七兩 桃仁二十一粒去

右為末白水煎服通利為度

清神散 治小兒傷寒無汗咳嗽身熱無時潮熱鼻中

塞一名惺惺散方

和解湯 治小兒四時感冒寒氣壯熱煩渴鼻塞多涕

驚悸自汗肢節疼痛及麩瘡豆已發未發者皆可服

羌活 防風 川芎 人參各一兩 乾葛 川升麻

輕者 甘草微炒各半兩

右為麩末每服三歲兒一錢水一小盞生薑半片棗

子少許同煎至五分去滓服不拘時量大小加減

柴胡散 治小兒傷寒壯熱頭疼體痛口乾煩渴

石膏 黃芩 甘草 赤芍藥 葛根各一兩 麻黃

去根 柴胡去苗各節半兩

右為散三歲兒每服一錢水一小盞入生薑少許葱

白三根豉二十四粒同煎至五分去滓溫服不拘時汗出為效量大小加減

白木湯 治小兒傷寒頭痛肌熱喘麤

白木 人參 麻黃去根 甘草炙 葛根剉 藿香去根

桔梗炒各半兩

右麤搗篩每服一錢水半盞煎至三分去滓不計時候溫服

石膏湯 治小兒傷寒頭痛肌熱喘麤

石膏研一錢 白木半兩 麻黃去根 桔梗炒 甘草炙 水萍

泡乾杏仁湯浸去皮雙

右為麤搗篩每服一錢水小半盞葱白少許煎至三分去滓溫服不拘時候

黃芩湯 治小兒傷寒體熱面赤口乾或咳嗽

黃芩二兩去黑心 麻黃一兩去根節 桂心去麤皮 甘草炙 石膏

研芍藥各半兩 杏仁十枚湯浸去皮尖雙

右七味麤搗篩每服一錢水半盞生薑三片煎至二

分去滓量兒大小加減

七物黃連湯 治夏月傷寒四肢煩疼發熱其人喜煩嘔逆滿劇如禍崇寒熱相搏故令喜煩

黃連 茯苓 黃芩 芍藥 葛根 甘草

兩六錢 小麥合三

右以水七升煮取三升冷分三服不能一升者可稍稍服之湯熱乃臥藥去毒氣服湯之後胃中熱及咽喉痛皆瘥其明日後煮一劑如法服之此湯無

毒但除熱下氣安病人小兒服者取三分之一以水四升煮得二升稍稍服

乳香丸 治小兒百日内傷寒壯熱速宜療之

鑷鐵 一斤燒令通赤以水二斗淬之如此三七遍煎取二停更入柳葉七片洛而取用 胡

油麻 二十粒 松栢葉 二十七枝 牙硝 乳香 各一分 金箔

白芥子 二十七粒

右並搗為末密丸如彈子大以青物裏好一丸如燒香法薰兒雙足微有汗出便瘥

紅綿散 治嬰孩小兒單傷寒及夾驚傷寒

麻黃去節 焙 全蝎炒 甘草炙 蘇木炒 大黃用溫紙裹 炮令熟切

焙 天麻生 白附子各一錢

右為末每服嬰孩兒一字二三歲半錢四五歲一錢水一藥注或半錢銀盞綿脂些子用煎十數沸如無綿脂只此用綿少許囊藥在內如煎法煎須候綿帶紅色去綿與服

前胡散 治小兒傷寒邪熱四五日不除者

前胡一兩 甘草炙 半夏湯洗七遍 桔梗 黃芩 柴胡去苗

人參去蘆頭 各半兩

右為細末每服一錢水一盞入薑三片棗一枚同煎至五分去滓溫服 一方加地骨皮無黃芩

雙丸 治小兒身熱頭痛飲食不消腹脹滿或心腹疼痛大小便不利或下重數起未瘥可再服小兒蒸後哺食減少氣息不快夜啼不眠是腹內不調並宜用此丸下之

巴豆六十枚去皮心膜研新布甘遂兩硃砂一錢

甘草一分牡蠣煨赤取二兩麩核取仁四兩半研麥門冬湯洗

去心二兩半

右麥門冬甘草甘遂牡蠣四味為細末入巴豆硃砂

麩仁合和搗二十杵更入蜜少許搗和極熟旋丸半

歲兒服如半麻子大一二歲服如麻子大一枚分一

雙三四歲者服如麻子大二九五六歲者服如大麻

子大二九七八歲者如小豆大二九十歲微大於小

豆二九常以雞鳴時服如至日出時不下者熱粥飲

服數合投之即下藥丸皆雙出也下利甚者濃煎冷

粥飲便止

解肌散 治小兒傷寒壯熱

地骨皮 檳榔 芍藥 當歸各半 甘草灸 石膏

各一分 麻黃去節用湯浸洗一錢

右為末每服半錢水一盞煎至六分溫服

細辛散 治小兒大人頭疼及傷寒壯熱頭風明目

細辛 石膏 何首烏各一分 川烏頭 川芎 乾

薄荷各半兩 蠟十四兩

右為末用薄荷茶調下一錢服之

三黃散 治小兒傷寒五六日壯熱心燥口乾煩渴大

小便難

川大黃半兩 麥門冬半兩 石膏一兩 川芒硝

黃芩 甘草各一分 黃連一分

右為散每服一錢以水一小盞煎至五分去滓量兒

大小加減頓服以利為度

丹參湯 治小兒卒寒熱不休不能服藥

莽參 莽草 丹參 桂心各三兩 菖蒲半斤 雷丸一升

蛇牀子

右以水二斗煮三五沸適寒温以浴兒避眼及陰

雷丸浴湯 治小兒忽寒熱

雷丸二十枚 大黃四兩 黃芩一兩 苦參 石膏各三兩 丹參

二兩

右呔咀以水二斗煮取一斗半浴兒避眼及陰浴訖以粉粉之物厚依一宿復浴

解乾渴 治傷寒發熱心煩燥渴透肌散毒

麻黃半兩去節 人參半兩 川芎半兩 芍藥半兩 前胡一分 獨

活半兩

右呔咀每服一錢水半盞生薑一片薄荷一葉煎至三分去滓三歲以下一歲以上一服作二服一名人參羌活

散

藿香正氣散 治傷寒發嘔

藿香葉 厚朴製 半夏製 甘草炙 蒼朮米泔浸一宿炒 陳

皮各等分

右呔咀每服二錢水半盞薑三片棗半枚煎至二分去滓服

大柴胡湯 治陽明病外證身熱汗出而不惡寒但惡

熱宜服陽明病脈遲發頭眩熱小便難此欲發瘧必

小腹滿宜服陽明病脇下硬滿大便秘而嘔口燥宜

服陽明病中風其脈浮大短氣心痛鼻乾嗜臥不得汗一身盡黃小便難有潮熱而噦宜服傷寒三日少陽受病口乾燥目眩宜服少陽病脇下堅滿熱乾嘔木食往來寒熱若未吐下其脈沈緊宜服少陽病若已吐下發汗讖語者宜服少陽中風兩耳無所聞目赤胃中滿而煩不可吐下下則悸而驚宜服少陰病時時惡寒悶煩不欲厚衣宜服少陰病利清水色清者心下必痛口乾燥宜服傷寒六日陽脈溢陽脈弦

常腹中急痛宜服傷寒六日下之胃滿煩驚小便不利讖語一身不可轉側宜服傷寒發熱汗出不解心下痞硬嘔吐不利傷寒十餘日熱結在裏往來寒熱及陽明病汗出讖語腹中滿痛并陽明少陰合病下利脈滑而數傷寒六七日中不了了睛不和無表裏證大便難身微熱七八日脈浮數病人煩熱汗出解後又如瘧狀日晡發潮熱脈滑者宜服之

柴胡二兩枳殼半兩炒炒黃芩炒大黃炒半夏炮赤

芍藥各一兩

右呔咀生薑棗煎加減服之

竹葉石膏湯 治傷寒解後虛羸少氣嘔逆欲吐及虛

煩似傷寒身熱煩燥頭不疼脈不急數廉治中暑渴

煩吐逆脈數者

淡竹葉半兩甘草半兩石膏四兩半夏三兩麥門冬二兩

參半兩

右呔咀入粳米加減服嘔者加生薑兩半水煎服之

知母麻黃湯 治傷寒產後或十數日半月二十日終

不惺惺昏沈似失精神言語錯謬又無寒熱醫者或

作鬼祟或作風疾多治不產或朝夕潮熱額赤或有

寒熱似瘧都是發汗不盡餘毒在心包絡間所致

知母一兩麻黃去節甘草 赤芍藥 黃芩各半兩桂

枝半兩夏月減半

右呔咀泉煎加減服連進三服溫覆令微汗若心煩不得眠欲飲水當少少與之令胃中和即產未汗再

服一法小柴胡牛黃清心丸尤佳

龍膚散 治小兒傷寒瘟疫身熱昏睡氣粗風熱痰實
壅嗽驚風潮搐中暑胃悶

天南星

牛膽製者如無口依紅連散內製用八錢

雄黃

各半錢

天竺黃

二錢

硃砂

麝香

各一錢

右為末三歲兒一字薄荷湯調下中暑煩悶雪水調下

陽毒升麻湯 治小兒一二日變成陽毒或下之毒後

變成陽毒腰背痛煩悶不安面赤狂言狂走或下痢
或見鬼脈浮大數發斑如綿紋咽喉痛下膿血並宜
服之

升麻

三分

犀角

屑

射干

黃芩

甘草

各等分

人參

右咬咀水煎併進三服溫覆手足汗出則解未效再
服

防風蒼朮湯 治小兒邪氣在表惡風惡寒瘡疹未出

可解表發斑疹宜服

防風兩半 蒼朮

石膏各一兩

甘草各半兩

川芎

黃芩

各二錢半

右為麤末每服二錢生薑三片薄荷七葉水煎服

人參湯 治小兒傷寒外證身熱脈浮

人參 麻黃去根節

赤茯苓去黑皮

乾葛剉

甘草

各半兩

右麤搗篩每服二錢水一小盞入葱白少許同煎至

六分去滓溫服

桔萋根散 治小兒傷寒壯熱頭痛煩渴

桔萋根

半兩

苦參

一分

人參

去蘆頭一分

寒水石

半兩

甘草

一分灸微赤剉

石膏

半兩

右為麤散每服一錢以水一小盞煎至五分去滓不

計時候溫服量兒大小以意加減

柴胡散 治傷寒傷風熱氣壅澁盛胃膈不利或行時

疹痘未分或痢疾潮熱一切積氣溫壯皆宜服

柴胡二兩 人參

甘草

黃芩

各一兩

半夏

炮七次

麻黃

去節各五錢

右劉散每服二錢生薑二片薄荷三葉白竹青少許煎溫服鼻衄加生地黃瘧痰加薑錢桃柳枝地骨皮痢疾作熱涎盛加桑白皮

解肌散 治小兒傷寒發熱四肢煩疼

赤芍藥

半兩 湯浸去皮尖雙

桂心

川大黃

剉

微炒甘草

灸微赤剉 各一分

麻黃

三分去根節

右麓羅為散每服一錢以水一盞煎至五分去滓不計時候量大小以意分減溫服

前胡散 治小兒傷寒心胃壅悶煩熱頭痛

前胡

半兩去蘆頭

石膏

一兩細研

黃芩

赤茯苓

枳殼

炒

微黃去瓢

甘草

灸微赤剉 各一兩

右麓羅為散每服一錢以水一小盞煎至五分去滓不計時候量兒大小加減溫服

黑子散 治小兒傷寒解利邪熱

川大黃

半兩 去根節

川升麻

芍藥

杏仁

去皮尖

甘草

右慢火炒合黑色搗羅為散每服半錢至一錢煎荊芥湯調下

三十六種三黃散 治正受傷寒

麻黃半錢 去節 大黃二錢 炒 黃芩一分 犀角三錢 茵陳 甘草

灸各一錢

右為散每服半錢濃煎葱白薄荷湯調連進二三服譬如大段壯熱只用一錢治小兒一日五日寒熱本以柳枝煎湯浴

附子散 治小兒中風傷寒眼目不開手足厥冷口多

出涎啼聲不出口禁或時覺躁悶方見本門中風口禁類

麥門冬散 治小兒傷寒煩熱頭痛嘔逆

麥門冬去心三分 石膏三分 研 甘草灸半兩

右為散每服一錢水一小盞煎至五分去滓不計時候溫服量兒大小加減

葛根飲 治小兒傷寒

葛根汁 淡竹瀝各六

右相和二三歲分三服百日兒酌量煮服之 一方

生服

枳殼半夏湯 治傷寒嘔

枳殼一兩炮半夏一兩湯
去穢炒炮七次

右分二服水一盞薑十片煎至一小碗大人分二服

十歲已下可作五服以意加減

防已散 治傷寒喘急及諸病喘促

防已 人參各等分

右為末三歲一錢桑白皮煎湯調下無時

龍膽散 治小兒傷寒陽毒毒氣在臟狂言亂語妄走

草龍膽一兩鐵粉二兩

右為末用水調下十二三小兒多有此病

問命散 歌曰 小兒壯熱又頭疼 手足饒寒冷似

冰 啞啞時多眼又澀睡中忽跳受虛驚 都緣全

是傷寒作 不是家親及鬼精 發表微澹取通氣

免教灾苦病相縈

藜蘆一兩炒麝香半錢同研勻

右用一字吹鼻中效須先服紅龍散四服次與救生

九次服真珠散次於鼻中吹藥三兩噴效一名定命散

豆角膏 治傷寒鼻塞貼顙

赤豆 皂角灸過等分

右為末以葱油調貼之

解交飲 歌曰 初得傷寒兩日間 作時壯熱四肢

寒 朝來還似依稀瘧 至夜猶來似火燃 永賴

玄明粉一物 飲中頻喫便身安 忽然未得惺惺

睡 便與神丹轉後看

用玄明粉一錢加紅粉散一錢分作四服茶調下相

次與喫了更服下項救生丸及真珠散

香蘇散 治身重脚弱關節痠發熱惡寒小便澀大便

泄自汗或浮滿因久在卑濕或為露雨所襲

用香蘇散每服二錢水一盞加灸蒼朮車前子木瓜

少許生薑二片煎熱服小便多是效

大人參散 治小兒四時傷寒溫壯頭疼喘麓鼻鳴及
夾食夾驚煩渴驚悸吸哇不進乳食

人參 白茯苓 羌活 川芎 天麻 防風

白朮 陳皮去白 甘草炙 膏本去蘆 厚朴薑製 乾葛 白

芷 桑白皮炙 白芍藥各等分

右為麤末一歲兒每服二錢水半盞生薑二片棗子
一箇煎至二分去滓溫服量兒大小加減服之

表解散 治傷寒初作壯熱

桔梗 乾葛 石膏 升麻 麻黃去節 赤芍藥

甘草各等分

右為散每用一錢葱白薄荷同煎服之

華蓋散 治傷寒

知母 人參 茯苓 紫蘇 烏梅 杏仁 桑
白皮 麻黃 甜葶藶炒 五味子 甘草各等分

右以咀每服用葱白煎服

清涼飲

地骨皮 人參 茯苓各三錢 黃芩 乾葛 石膏

各半 知母三錢 甘草三錢

右咬咀每服一錢白竹絲棗子同煎溫服

地骨皮散 治傷寒熱甚者

地骨皮 白茯苓 麻黃去節 黃芩 川芎 前胡

白芍藥 升麻 甘草各等分

右咬咀葱白同煎服治傷寒已解而盜汗不止者

牡蠣 麻黃根 硃砂 甘草各三錢

右為末每服半錢麥門冬湯調下如表過體虛面白

而盜汗者但與四君子湯

張煥羌活湯 治小兒傷寒解利邪氣兼解麻豆熱及

驚瘡等證

羌活 防風 川芎 人參去蘆頭 乾葛根 川

升麻 犀角 甘草各一兩半

右件搗篩為細末每服一錢八分水一盞生薑二片

薄荷三葉煎至五分去滓放溫熱服傷寒大便不通

亦宜服紅綿散如實熱宜用食星丸下之

人參散 治傷寒潮熱鼻塞頭疼亦治清涕壯熱不解

人參 茯苓 羌活 當歸 前胡 甘草各一錢

麻黃三錢 去節

右為末每服半錢水半盞薑一片同煎三分溫服

柴胡飲子 治小兒傷寒五七日陰陽不和發熱唇焦

口燥咽乾煩渴引飲潮熱邪熱大便秘澁並宜服之

柴胡去蘆 人參去蘆 芍藥 當歸去蘆 淨黃芩 大黃

甘草炙各半兩

右以咀每服二錢水一小盞生薑三片同煎至七分去粗溫服或乳母宜多服之

香葛湯

乾葛一兩 川升麻 羌活 桔梗微炒 白芍藥 川芎

白茯苓 白芷 甘草各半兩

右以咀每服三錢水半盞薑葱煎取半

脫用散 調理小兒嬰孩傷寒體熱頭面昏沈不思飲

食夾驚夾食寒熱大小便閉澀或赤或白煩燥作渴
冷汗妄流夾積傷滯膈滿脹急青黃體瘦日夜大熱
及療傷寒傷暑驚癇客忤筋骨堅臟疝氣等熱並宜
服之

柴胡去蘆 川當歸洗淨

龍膽草去蘆

知母

各三錢

人參

川

芎各三錢

白茯苓

二錢半

甘草

炙四錢

麻黃

二錢去節
又根一錢

右為細末每服一錢水一小盞入小葱白連鬚一寸
同煎至半盞溫服不拘時候 此方散熱扶表救裏

表虛冷汗不妄行裏熱冷氣不閉即外結通關內則
開渠通關流行經絡開渠不壅臟腑然其知母當歸
順正陰陽人參甘草和益陽胃柴胡川芎散去寒邪
茯苓龍膽止津生汗麻黃去節留根功全表裏葱白
連鬚出汗效正盈虧熱在表裏之間施無不可積傳
驚癇之候用立見功葱根號曰脫用竒妙

傷寒咳嗽 附論

夫小兒傷寒是寒於皮膚搏於血氣使腠理密氣不宜

泄蘊積生熱故頭痛體疼而壯熱其嗽者邪在肺肺候身之皮毛而主氣傷寒邪氣先客膚隨氣入肺故令重有膿血也

白朮散 治小兒內中冷氣及傷於外寒咳嗽或時寒

熱頭痛

白朮兩半 赤芍藥一分 紫苑洗去苗土 麻黃去根節 厚朴去麁皮塗

生薑汁灸 人參去蘆頭 甘草灸微赤剉 陳橘皮一分湯浸

杏仁各半兩湯浸去皮尖雙人麩炒微黃

右為散每服一錢以水一小盞煎至五分去滓不計時候量兒大小加減服之

貝母散 治小兒傷寒痰逆咳嗽不欲乳食

貝母煨微黃 桔梗去蘆頭 甘草各一分灸微赤剉 陳橘皮半兩湯浸

去白 桂心一人 人參去蘆頭 乾薑各一分炮裂剉 杏仁半兩湯

尖雙人麩炒微黃 半夏一分湯洗七遍去滑

右為散每服一錢以水一小盞入生薑少許煎至五分去滓不計時候溫服量兒大小加減

枇杷葉散 治小兒傷寒壯熱嘔吐

枇杷葉 一分拭去毛 川升麻 半兩 人參 半兩去蘆頭 茅根

一兩 竹茹 三分 貝母 半兩 煨黃

右為散每服一錢以水一小盞入棗一枚摩生薑少

許煎至五分去滓不計時候看兒大小以意加減溫

服

麻黃散 治小兒傷寒咳嗽氣急

麻黃 半兩去根節 川大黃 一分 木通 半兩 麝香 一分 皂

角子 二十粒 桂心 半兩

右為散每服一錢以水一小盞煎至五分去滓不計

時候量兒大小以意加減溫服

杏仁散 治小兒傷寒咳嗽不瘥

杏仁 湯浸去皮尖雙 貝母 煨微 川升麻 甘草 炙

赤麻黃 各半兩 去根節

右為散每服一錢以水一小盞生薑少許煎至五分

去滓不計時候量兒大小以意加減溫服

桂心散 治小兒傷寒咳嗽吐逆晝夜不息

桂心兩半 甘草一兩灸 紫苑三分洗 麥門冬一兩去心焙

右為散每服一錢以水一小盞入生薑少許煎至五分去滓不計時候量兒大小服之

麥煎散 治四時傷寒頭痛發熱氣喘咳嗽痰能利肺

經化痰涎止喘嗽功效甚速凡傷寒嗽者便可服之

人參去蘆 白茯苓 苦桔梗去蘆 杏仁不去皮 白朮
柴胡去蘆 知母 貝母去心 麻黃去節 甘草 葶藶炒

桑白皮蜜炙各三錢 秋各加桂枝半夏麩五錢

右為末或吐咀發散生薑葱白湯下喘促加馬兜鈴裏熱加大黃痰盛加玉餅子嗽不止鍊蜜為糕夜睡嚼服之

麥煎散 治傷寒咳嗽氣急鼻塞

知母 貝母 麻黃去節 人參 石膏 甜葶藶

茯苓 地骨皮 杏仁 滑石 柴胡 甘草

苦梗 大黃蒸 乾葛各等分

右吹咀每服用葱白薄荷小麥子二十粒煎服
治嬰孩小兒傷寒咳嗽温壯水痘麥湯散方

地骨皮半兩炒 麻黃一分去節 甘草半分灸 人參一分 滑石半分

大黃一分用濕紙裹煨令熟切 知母一分 羌活一分 甜葶藶一分用紙隔炒

右為末每服嬰孩小兒一字或半錢三五歲一錢以
水一藥注或半銀盞入小麥七粒或十四粒煎十數
沸服

傷寒餘熱附論

夫小兒傷寒若四五日後熱邪入裏即宜下之下之得
利後熱猶不除者是餘熱未盡故也其狀肉常温温而
熱是也

方

黃連散 治小兒傷寒得汗利後餘熱不除心神煩躁
夜臥不安

黃連去鬚 大青 川升麻 赤茯苓 人參去頭 甘

草各一分灸 麥門冬半兩去心焙 黃芩 地骨皮各一

犀角屑半

右為散每服一錢以水一小盞煎至五分去滓不計時候量兒大小加減溫服

麥門冬散 治小兒傷寒汗利已後餘熱不解身體疼

痛心神虛煩不思乳食

麥門冬半兩去心焙 子芩 葛根各一分到 川升麻 前胡

各半兩去蘆頭 犀角屑 玄胡 玄參 赤芍藥各一分 柴胡

半兩去苗 甘草一分炙微赤剉

右為散每服一錢以水一小盞入生薑少許煎至五

分去滓不計時候量兒大小以意加減

茯神丸 治小兒傷寒後餘熱不除心神不安

川升麻 玄參 車前子各一分 茯神 麥門冬各半

兩去心焙 犀角屑 梔子仁 白鮮皮 鐵粉細研 硃砂

各半兩細研

右為末與鐵粉硃砂同研令勻鍊蜜和丸如菉豆大不計時候以溫水下五丸量兒大小加減

黃耆散 治小兒傷寒汗利已後餘熱不除口乾心煩
不飲乳食

黃耆一分 麥門冬半兩 知母 人參去蘆 赤茯苓

苓 黃芩 甘草各一分 炙

右為散每服一錢以水一小盞煎至五分去滓不計
時候量兒大小加減溫服

歲莖散 治小兒傷寒二三日已服藥得汗後餘熱未
除宜服遂毒氣

歲莖 川大黃剉微炒 川升麻 甘草炙剉 黃芩

大青各半兩

右為散每服一錢以水一小盞煎至五分去滓不計
時候量兒大小加減溫服

治小兒傷寒後餘熱不除四肢不利宜用此湯浴

川大黃 甘草 防風去蘆 丹參各半兩 雷圓三分 白

木半兩

右為散每服一兩以水三升煎二升半去滓看冷熱

於密室中浴兒後宜避風隔日再用

傷寒熱渴 附論

夫小兒傷寒四五日熱入於臟臟得熱即津液竭燥故令熱渴也

方

土瓜根散 治小兒傷寒煩熱大渴不止

土瓜根 兩半 麥門冬 兩半 甘草 炙微赤 枇杷葉 拭去毛
黃芩 微分 葛根 各一分 苑胡 半兩 去苗

右為散每服一錢以水一小盞煎至五分去滓不計時候溫服量兒大小以意加減

人參散 治小兒傷寒頭熱足冷口乾多渴

人參 去蘆頭 黃耆 剉 麻黃 去節 赤茯苓 各半兩 蜆蛭 二枚
去翅足 微炒

右為散每服一錢以水一小盞煎至五分去滓不計時候溫服量兒大小以意加減

石膏散 治小兒傷寒大汗後已下利煩渴不解其脈

洪大宜服

石膏一兩 知母 地骨皮 甘草灸微赤對 人參各半兩去蘆頭

右為散每服一錢以水一小盞入粳米百粒煎至五分去滓不計時候溫服量兒大小加減

甘草散 治小兒傷寒熱渴汗下後覺煩悶

甘草灸微赤對 牡蠣粉 黃芩 赤芍藥各半兩

右為散每服一錢以水一小盞煎至四分去滓取雞子清一枚投入散中熟攪掠去沫徐徐溫服量兒大小加減

小加減

解肌散 治小兒傷寒發渴

石膏 寒水石 滑石 甘草灸 半夏製各等分

右為末每服一錢以水一小盞生薑三片薄荷一葉煎至二分溫服

銀白散 治小兒傷寒傷暑伏熱泄瀉自利煩渴口燥

咽乾中暑發渴瘡疹渴並宜服之

石膏三錢水飛 膩白骨石一兩 甘草灸對七分

右為細末每服一二錢煎薄荷湯下白湯亦可不拘時候

傷寒挾實 附論

夫小兒傷寒而歲氣實者即寒氣相搏而壯熱者謂之挾實也挾有二種有冷有熱其熱實糞而堅也其冷實者食不消糞白而酸氣也以此推知之雖冷熱相殊外皆壯實也

赤芍藥散 治小兒傷寒挾實壯熱增寒頭痛

赤芍藥 知母 子芩 人參 去蘆頭 枳殼 麩炒微黃去瓢

甘草 炙各一分 石膏 三分 川升麻 柴胡 半兩

右為散每服一錢以水一小盞入青竹葉七片煎至五分去渣不計時候溫服隨兒大小增減服之

柴胡散 治小兒傷寒挾實壯熱心煩

柴胡 三分 當歸 三分 赤茯苓 川大黃 各半兩

甘草 炙微赤到 赤芍藥 各一分

右為散每服一錢以水一小盞煎至五分去渣不計

時候溫服量兒大小以意加減

犀角散 治小兒百日已來傷寒挾實壯熱多驚心燥

犀角屑 川朴硝 龍膽各一分 川大黃半兩剉

甘草炙微赤剉 枳殼各一分 麩炒微黃去瓢

右為散每服一錢以水一小盞煎至五分去渣不計

時候溫服量兒大小以意加減

厚朴散 治小兒傷寒挾食心腹脹滿不欲食

厚朴半兩刮去麩皮塗生薑汁炙令香熟 川大黃剉碎 人參去蘆頭 陳

橘皮湯浸去白瓢焙 甘草炙微赤剉 朴硝各一分

右為散每服一錢以水一小盞煎至五分去渣不計

時候溫服量兒大小以意加減

大黃散 治小兒四五歲傷寒壯熱挾實心腹脹悶

川大黃一兩剉 甘草炙微赤剉 麥門冬去心 細辛 黃

芩各半兩

右為散每服一錢以水小盞煎至五分去渣不計時

候溫服量兒大小以意加減

夾驚傷寒附論

夫小兒傷寒是寒氣客於皮膚搏於血氣使腠理閉密氣不宣泄蘊積生熱故頭痛體疼而壯熱也其兼驚者是熱乘心心主血脈小兒血氣軟弱心神易動為熱所乘故發驚驚不止則變驚癇也 治小兒中驚兼傷寒候大熱狂躁荒虛亂言上渴此候因驚熱候傳此所治者急用麥湯散三服微汗出次日下硃砂膏二服熱漸退第三日下金青丹通三次用勻氣散醒醒散相夾與

服第四日身猶有伏熱即下大附散夾迴陽散與服即

愈 治夾驚傷寒候渾身壯熱心躁發渴睡裏多驚手

足不定兩面額赤色眼腥瞪

腥音性瞪音鄭直是也

小便赤宜薄

荷散三二服間用調胃氣藥更進七寶牛黃丸治驚及

金蓮散二三服退熱如次依用藥不退徃徃變驚風

玉訣小兒傷寒驚搐歌傷寒驚搐即生涎冒熱乘虛遍

體斑額赤口乾脾受熱涎高風盛發狂言風盛太過胃

邪乾燥先與解之涎實下之傷冷溫之熱即利之利涎

調氣即無悞也 又曰傷寒熱病胃邪攻燥渴頻頻面色紅本是先傳心與肺急須解利治驚風此乃傷寒在表宜壘煎散次烏犀膏利涎又與調榮衛忌用熱藥 石壁經三十六種夾驚傷寒候歌脚冷頭燒氣不和漸生喘急愛眠多百時夢裏須頻搐

鳳髓經注云
夢裏驚擲

極嗽生涎

可柰何吐休止汗方為解解熱消涎去久疴汗出除驚方已疾其餘平藥與調和先調氣次發汗和解解即涼膈膈涼則涎自化矣涎化則搐自住 此患有先受傷

寒後受驚亦有先驚而後受傷寒如先受傷寒即先退傷寒後退驚先受驚即先退驚也如退驚與南星丸如有餘熱更一服大青膏如退傷寒即與解表散後服調胃散 小兒傷寒并夾驚候其脈浮洪傷寒者小兒內停冷乳包嚼之食外傷冷風於膝裏令兒面黃色兩頰紅色鼻塞氣喘身上寒毛起鼻流清涕咳嗽噴嚏煩燥吐食頻多下泄小便如粉皆是傷寒候若加睡中驚擲狂叫睡臥不安穩是夾驚傷寒宜與壘煎為散併三服

汗次與鎮心丸若加大喘啼叫是傷寒正受後宜與三黃散三服次與麥湯散三服退熱

乳香膏 治小兒夾驚傷寒壯熱涎鳴風熱壅盛鎮心

化涎退熱定搐搦

硃砂 松白霜 天竺黃 葛粉 人參 茯苓

各半 天麻 各三分 白附子 一分 乳香 二錢 牛黃

腦麝 各半錢

右為細末鍊蜜為丸如梧桐子大薄荷湯化下二九

坯煎散 治夾驚傷寒及解驚發汗

全蝎 川烏 炮去皮尖 甘草 炙 硃砂 大黃 炮 羌活

川芎 麻黃 去節 天麻 酒浸 腦麝 各少許 白殭蠶 去絲已上分兩

原本關

右為末每服一錢半錢入坯子五粒葱白半寸煎三四沸通口服二三服汗出

麥煎散 治小兒夾驚傷寒吐逆壯熱表裏不解氣麤喘急面赤自汗或狂言驚叫或不語無汗及癰疹遍

身赤痒往來潮熱時行麻豆痢子餘毒未盡渾身浮腫痰涎咳嗽或變急慢驚風手足搐搦眼目上視及傷風涎喘頭疼並治之

知母 陳皮 地骨皮揀淨赤藥芍 甘草灸石膏

葶藶子 白茯苓去皮杏仁去皮尖人參 滑石

各半麻黃一兩去根節

右為細末每服一錢麥子煎湯調下如初生牙兒感冒風冷鼻塞身熱噴嚏多啼每一字許並用麥煎湯

下 一方用肉桂無赤芍藥有知母

金泥膏 治傷寒邪熱乘心兼發驚病

葛蒲一十九節者遠志去心鈎藤各一兩人參去蘆頭草龍膽

甘草灸各半兩已上搗羅為細末次用水銀一分

牛黃別研一錢金箔二十片同水銀如研如泥

右拌勻用蜜半斤酥四兩用銀鍋或石鍋中先入水二升除去金泥酤酥密外先入諸藥慢火熬至一升新綿濾渣方再不酥密金泥攪勻用柳枝不住手攪

熬成膏用茲九器合盛每一豆大薄荷湯化下

防風天麻丸 祛風鎮驚及傷寒夾驚 方見驚風門一切驚風類

疳煎散 治小兒夾驚傷寒渾身壯熱睡擲咳嗽煩燥

下泄多

川烏頭 半兩炮 大黃 蒸熟 雄黃 白附子 甘草

炮 川芎 天麻 殭蠶 去足各一錢 麝香 少許 麻黃 去節四錢

右為末每服半錢或一錢大者一錢半水半盞入坯子五粒葱白半寸同煎數沸温温服如出汗併三服

紅綿散 治小兒夾驚傷寒頭疼壯熱心煩氣麤驚悸

天麻 白附子 全蝎 去足 殭蠶 炒去絲嘴 大黃 炮 麻黃

去節 甘草 炙 蘇木 炒 硃砂 一方不用 南星 炮七

右等分為末每服半錢綿少許小半盞煎三分

麥湯散 治夾驚夾實傷寒氣急嗽聲

滑石 石膏 知母 貝母 麻黃 杏仁 炒製

甘草 甜葶藶 薄紙盛炒 人參 地骨皮 去骨各等分

右為末每服一錢小麥二十粒煎湯下涎盛氣促桑

白皮湯下

梨漿餅子 治小兒傷寒驚搐治風下涎

輕粉兩半 鐵粉 荊芥穗 辰砂 臘茶錢各一 郁李

仁七箇 粉霜半錢 牽牛二斤 微炒 腦麝少許

右為末鍊蜜為餅子加減用梨汁薄湯化下

三十六種白附子散 治夾驚傷寒

白附 硃砂各三 黑附子炮去皮臍 雄黃 羌活各半

石膏七錢半 麻黃一兩 腦麝隨意別入研

右為末每服半錢一字薄荷臘茶湯下有熱再服

麥湯散 治小兒蒸伏熱傷寒咳嗽噴體熱面赤

麻黃去節 滑石 甘草 杏仁去皮 大黃蒸 地骨皮

芍藥 北葶藶子

右各等分為末每服半錢一錢或一字小麥薄荷湯

下

薄荷散 治夾食傷寒熱極生風頭疼壯熱嗽涎鼻塞

及時行瘡豆已發未發皆可服

薄荷葉半兩羌活 全蝎 麻黃去節甘草各半僵蠶

天竺黃 白附子炮各一分

右為細末每服一錢水半小盞煎至三分加竹瀝少

許妙 一方為末薄荷茶清調下孩兒一字二三歲

半錢

白霜丸 治小兒驚風傷寒四五日未得汗搖頭揚手

上竄多啼叫不睡喫水不休

鉛白霜 硃砂 馬牙硝 人參 天竺黃 甘

草灸各半兩山梔子一兩

右為末鍊蜜為丸如桐子大每服一九冷熱蜜湯化

下

沒石子膏 治驚胃氣虛弱吐後手足搐搦眼下及唇

青者不進飲食是夾驚傷寒

沒石子三箇生用人參 訶子炮白朮各二錢丁香五七箇

甘草灸半兩香附子三十七箇去皮

右為末勻煮猪膽研丸如桐子大不進飲食白朮湯

下

鐵刷散 治夾驚傷寒

麻黃去根節 一兩 甘草炙半 分 細辛半 兩 石膏 葶藶 青

皮各一 分 杏仁十一 箇

右為末如小兒傷寒三二日壯熱不曾調理外風把定關竅傷寒面黃白色壯熱微渴此是傷寒候三五日內心臟熱面赤唇紅多燥壯熱熱極生涎即為驚也元初傷寒傷風為傷寒此候為夾驚傷寒也如此

患先下異攻散二服紫蘇木瓜湯煎服後以此藥半錢水一盞薑三片煎至四分溫服頭面微有汗解傷寒不退如壯熱煎勝金散如壯熱後多睡更煩燥口乾手足冷此是外風把定關竅用綿煎散一服發汗汗出關竅通只用異攻二服和氣更服此藥解傷寒迴陽散 治小兒夾驚傷寒

蒼木一兩 米泔 汁浸一宿 甘草炙半 兩 白木炮半 兩 陳橘皮去白 半兩
木香 大附子炮了 去皮 科各一分

右為末每服一大錢用鹽湯空心點服看形候下之
紅綿散 治小兒夾驚傷寒吐逆躁悶熱渴夜啼不睡

常服温平鎮心不凉過百後六七日間進一服不妨

全蝎 人參 白茯苓 天麻 各等分 麻黄 半兩去節 大

辰砂 一錢

右為細末將辰砂細研一同和勻每服一小錢少許
薄荷葉同煎十沸温服

天竺黃散 治小兒傷寒退驚涎

白殭蠶 鬱金 蟬退 甘草 炙 天竺黃 山梔

子 等分

右為末每服半錢金銀薄荷煎湯下

治小兒夾驚寒渾身壯熱涎盛發搐搦

全蝎 七箇 荆芥 麻黄 去節 白礬 白附子 各一錢 蘇木

少許

右為細末每服一錢水一盞煎至五分服之

金蓮散 治嬰孩小兒潮熱傷寒夾驚

連翹 山梔子去殼 甘草炙 防風 蟬殼洗出土冷淨各等分

右為末每服嬰孩一字二三歲半錢四五歲一錢一水一藥注或半銀盞煎十數沸溫服

千金九 治小兒夾食夾驚夾風傷寒微轉

硃砂末一錢 膩粉一分 麝香半錢 全蝎 白丁香各七箇末

右為和勻白飯為丸如蘿蔔子大薄荷湯下一歲三九

綿煎散 治傷寒退熱

麻黃一兩去節 紫蘇 天南星油煎赤色 僵蠶各半兩

右為末小兒傷寒驚風及萱子壯熱面赤沈困頭疼不進飲食用水一盞藥半錢綿一片薄荷湯調下睡時更煎鐵刷散一服夾驚傷寒無驚只是傷寒二日進二服 一方無麻黃

紫散子 治傷寒通利夾驚發汗用紫散子但是傷寒身熱急服是積劫服經驗銀液九

天麻生一兩 川芎半兩 鐵粉三分上 礞砂一錢

右為末入腦射各少許同研每服一字半錢金銀薄荷湯下併二服汗自出

紅蓮散 治小兒夾驚咳嗽氣急體熱悸和順瘡豆

硃砂二錢麝香一字腦子許少南星一兩薑汁浸一夕煮乾皂角水一盞浸一夕

煮乾荆芥水一盞浸一夕煮乾再焙

右為末三歲兒抄一字薄荷湯調下一方用天麻一錢

紅龍散 治小兒夾驚傷寒額赤氣粗睡臥不安及治

驚熱小便不通服之

海金砂兩半生硃二錢腦射各半桂府 滑石一兩半

右為末燈心湯調下三歲兒一字

紅桃散 治小兒夾驚傷寒頭疼壯熱涎潮驚悸多哭氣麓心煩及治氣壅膈節不通

石膏 寒水石一兩腦射各半

右為末燈心湯調下大小加減服之

勝金散 治小兒傷寒熱驚風麻豆疹潮熱

天南星一兩 白附子半兩 雄黃二錢

右為末每服一錢水一盞葱白三寸同煎三分作三度與作三服

無惜散 治夾驚傷寒

浮萍紫背者一錢 犀角屑半錢 鈎藤鈎三七箇

右為末每服半錢蜜水調下連三服出汗為度後常服亦佳

普濟方卷三百六十八

欽定四庫全書

普濟方卷三百六十九

明 周王朱楠 撰

嬰孩傷寒門

夾食傷寒

茅先生治小兒中夾食傷寒候大熱嘔逆肚膨上渴泄瀉此候因與物食所傷而五臟結實所得治者先用青金丹與下三四次方下清脾散勻氣散與服如有咳嗽

即下麥湯散調理治之即愈漢東王先生家寶云夾食傷寒併單有積證候稍異如從膝下冷者為單有積必潮熱宜取之以補如膝下熱者併渾身熱面色青則是夾食傷寒須先理傷寒後取之以上病證並在審度用藥無不應驗 漢東王先生家寶治夾食傷寒病證面青吐逆渾身發熱或發渴煩燥頭疼宜用水精丹取之至天明須取下准前用觀音散三二服補之後下薄荷散三二服解其寒氣如漸有退候恐餘熱未退宜進七

寶輕青丹三二服間以人參散三二服調之 石壁經三十六種夾食傷寒候歌夾食傷寒先自熱內中有物傷形節面上紅斑有似丹開中時時生燥渴先表方知醫有功次取亦為神妙訣微微取動一兩行臟腑調和自安悅此因氣血弱即所食物滯在脾胃使肌肉上或面上如豆大或如指面大赤斑點主至夜間不眠多渴看輕重先取其積次和胃氣退熱再看證候調理 三十六種內夾食傷寒候云此候宜服白附子散小兒形

證論四十八候夾食傷寒候云此候面上有點子多作疹

方

水精丹 治嬰孩小兒夾食傷寒又治蟲積食積貼積驚積惡物食傷

天南星 錢一 滑石 各為末 二錢 水銀粉 秤半 蕪荑 取仁一

巴豆 五十粒去殼不出油

右先研巴豆令極細冷下蕪荑仁復研方入衆藥研

令極勻以煮爛飲為丸如黃豆大每服三五丸以歲數加減米湯炮生薑葱吞下服時須令嬰孩小兒空心不可喫乳食稍饑方可進藥如膈上有物食熱須吐出如膈下有食方得轉瀉切忌生硬果實肉食等物近夜卧服佳
人參散 治夾食傷寒取下欲補虛調胃氣進乳食止吐瀉

人參 蓮肉 去心炒 茯苓 各一分 黃芪 半兩槌蜜水拌炙 甘草

錢 炙二

右為末每服嬰孩一字二三歲半錢四五歲一錢以水一盞藥注或半銀盞入棗子半斤煎十數沸服

治小兒傷寒與熱不同因疝寒亦號夾食傷寒熱氣逼之為病傷寒二途各便此方救療且療乳母法

升麻散 治小兒時氣頭痛壯熱

川升麻 赤芍藥 石膏細研 麻黃去根節 貝齒一枚

甘草炙微赤 剉半兩

右為末每服一錢以水一小盞煎至五分去渣不計時候量兒大小分減溫服得微汗為效

麥門冬散 治小兒時氣咳嗽壯熱

麥門冬去心 焙 川升麻各一兩 貝母煨微黃 甘草炙微赤 剉各三

分 赤芍藥 杏仁湯浸去皮尖雙仁 麩炒微黃 各半兩

右為末每服一錢以水一小盞煎至五分去渣入淡竹瀝半合更煎一兩沸不計時候量兒大小分減溫

服

生乾地黄散 治小兒時氣壯熱咳嗽心胸脹悶乳食不下

生乾地黄 麥門冬 去心焙 款冬花 杏仁 湯浸去皮

尖雙仁麩 陳橘皮 湯浸去皮 甘草 去心焙

右為散每服一錢以水一小盞入竹茹半分煎至五分去渣不計時候溫服量兒大小增減服之

人參飲子 治時氣病

人參 去蘆頭 生乾地黄 各一兩 犀角 末 黃芩 柴胡 去苗

各半 甘草 一分

右為麤末每服一錢水一小盞入生薑二片煎至五分溫服

八物吳藍飲子 治小兒傷寒天行頭痛壯熱

吳藍 大青 各二兩半 甘草 炙 茵陳 一分半 麥門冬 去心

分 梔子仁 十五箇

右每服三錢水一盞入蘆根半握生薑五片煎至七分去渣服之

水解散 治小兒天行時氣瘡疱身體壯熱頭疼煩渴
心燥或出尚熱

麻黃去節 四兩 大黃 黃芩 桂心 甘草 白芍藥

各等分

右為末熱水調下連二服汗出為瘥或熱甚此謂風
實之人三伏中亦宜用只去大黃春夏並用

麥門冬散 治小兒時氣壯熱心腹煩悶

麥門冬一兩半 去心焙 人參去蘆 頭 甘草炙微赤 剉 各半兩 葛根剉

茅根一兩 剉

右為散每服一錢以水一小盞煎至五分去渣不計
時候量兒大小分減溫服

麥門冬散 治小兒時氣五六日體熱不止

麥門冬去心 焙 大青各半兩 甘草炙微赤 剉 吳藍各一分 梔子
仁五枚

右為散每服一錢以水一小盞煎至五分去渣不計
時候量兒大小加減溫服

葛根散 治小兒時氣煩渴腹中痞實

葛根剉 黃芩 柴胡去苗各半兩 川大黃一兩剉 甘草碎微炒

一分炙 微赤剉

右為散每服一錢以水一小盞煎至五分去渣不計時候溫服以稍利為度量兒大小加減服之

貝母散 治時氣病

黃芪 青皮 茯苓 菴藪根 甘草炙 紫苑 白朮各一兩 百合一兩半

右為細末每服一錢以水八分盞煎至四分通口服得少許為妙

麥湯散 治小兒傷風傷寒渾身壯熱咳嗽痰盛

知母 石膏煨 葶藶隔紙炒 杏仁湯浸去皮尖別研 地骨皮 滑石末 麻黃去根節生薑汁浸一宿各等分

右為末每服半錢煎小麥湯調下

七寶散 治小兒傷寒傷風渾身壯熱

天麻炙 白殭蠶 羌活各一錢 麻黃去節 蝎一分 白附子

各一麝少許

右為末每服半錢一字用生薑薄荷蜜水調下大小加減

惺惺散 治小兒傷風壯熱及瘡疹毒氣時氣濕氣風

熱傷寒鼻塞清涕驚悸頭痛咳嗽喘麤目澀多睡及

氣不和

人參 白茯苓 甘草炙 白朮 蘇蘇根 細辛

桔梗

右七味等分焙乾為末每服一大錢用水半盞薑一

片薄荷葉三兩同煎三五沸二三歲一服分三服五

歲已上只作一服如傷風欲出汗以葱白豆豉薄荷

同煎溫服 一方無白朮有乾葛甘草減半治壯熱

入薄荷生薑冷氣入薑棗水一盞煎傷風發熱加防

風咳嗽氣不和加川芎 又一法海巖云此加減四

味亦各隨經證也 兼下小黑膏妙 錢氏方謂小

兒壯熱昏睡傷風風熱瘡疹傷食皆相似未能辨認

間服惺惺散小柴胡湯升麻湯此數藥均能治療不若參蘇飲治諸般發熱不問何證每每用之甚效須逐日多服以熱退為期不可遽止 惟傷寒一證則大便酸臭水穀不化畏食吐食宜以藥利之先服紫霜丸感應丸仍以參蘇飲與服尤驗 若發熱耳冷翫冷足冷四肢乍冷乍熱腮赤面赤噴嚏呵欠驚跳不止昏昏多睡皆瘡疹之候也當用溫涼之藥切忌妄下已發未發並用升麻湯消毒飲若三日未見形

迹當以生酒塗其身上時時看之狀如蚤痕者是也或發不透及倒撮黑陷極為利害紫草木通甘草枳殼黃芪等分白水煎服名四聖散若小兒咽喉冷者用生甘草桔梗等分白水煎服名如聖散 更有小兒頭昏頰赤口內熱氣小便赤澀大便秘結此為裏熱當用大黃當歸芍藥甘草等分白水煎服名四順飲若審是瘡疹之證不宜用此

蝎稍散 治傷風發熱睡卧不安直視涎盛時作驚掣

全蝎

十四個

甘草

炙

川芎

各二錢

麻黄

去節

防風

薄

荷葉

各一錢

右為末入硃砂一錢細研入藥內令勻每服一錢水半盞煎至三分温服

厚朴散 治小兒外傷風冷壯熱增寒頭痛體重寒氣

逆嘔吐惡心或手足厥冷及脾胃不和並皆治之

乾葛

三分

蒼朮

陳橘

去瓤用皮

厚朴

去皮以薑汁塗炙令香

各一兩

右為末每服一錢水一盞入薑二片棗一枚同煎至

六分熱服

升麻黄芩湯 治小兒傷風有汗頭疼發熱惡寒

升麻

黄芩

葛根

芍藥

各三錢

甘草

一錢半炙

右剉如麻豆大每服二錢以水一中盞煎至六分去渣温服若時行瘡痘出不快煩燥不服者加木香一錢半

解肌湯 治小兒頭痛傷風增寒壯熱肢體疼痛鼻乾

不得睡兼治大人小兒瘡疹已發未發皆可服

乾葛 芍藥 升麻 甘草

右等分以咀每服二錢用水一盞煎至半盞去渣服此藥兼治寒暄不時人多疫疾乍暖脫衣及暴熱之次忽變陰寒身體疼痛頭痛如石加黃芩名黃芩升麻湯瘡痘已發未發及瘡痘不快熱盛者加大青等分煎服瘡痘不快加紫草糯米煎傷風身熱鼻流清涕心中煩燥加防風羌活薄荷煎服大段若寒即熱服若熱即溫服瘡疹亦准此服藥身涼上藥小兒量

度多少服活人書云如老人喫去芍藥加柴胡一兩人參半兩雪白芍藥一分名升麻葛根湯

驚調散 治大人小兒老少但是諸般傷寒風體虛煩熱上膈有涎煩躁不省人事

腦一兩微炒 麝半錢 荆芥穗一兩微炒

右將腦麝各研入藥令勻每服好茶半盞調半錢和渣服重者二錢小兒少許不計時候

治小兒傷風 以豆豉及葱生研作靨貼顙上如有

邪氣者以豆豉刀飛頭生研如前方

參苓散 治小兒風吹著渾身壯熱頭疼面赤多渴

人參 茯苓 甘草 炙 白朮 各一分 黃芩 乾葛 各半

右為細末每服一錢水五分薑一片棗半個煎至四分通口服之

清神散 治傷風身熱咳嗽不進乳食鼻塞氣促睡卧不安並宜服之

人參 茯苓 各一錢 川芎 五分 防風 苦梗 羌活 麻

黃 荊芥 甘草 各一錢
右為末每服一錢葱白薄荷水煎調下

荊朮散 治小兒傷風傷寒或瘡或疹服此藥無寒無熱能分陰陽疎風順氣一切諸證服之應手而效更有加減法開列於後

荊芥穗 一兩 淨蒼朮 二兩 赤芍藥 一兩 甘草 半兩
炙 微黃 兩 荊芥穗 兩 淨蒼朮 兩 赤芍藥 兩 甘草 兩

右為細末每服一二錢量兒大小加減服之 傷風

傷寒壯熱咳嗽身重或瘡疹未出生薑蔥白湯調下

傷風鼻塞發熱煎蔥白湯調下 傷風潮熱煎薄

荷湯調下 邪風傷肺鼻出清涕氣麤煎紫蘇湯調

下 卒暴驚風搖宜服四味奪命散一服立效 久

病後慢驚搐服全蝎散即瘥 瘡疥出發不快加炒

牛蒡子煎湯調下 發汗不出煎去節麻黃湯調下

心神不寧恍惚不安煎白銀散調下 變蒸發熱

煎薄荷湯調下 盜汗自汗煎牡蠣浮麥湯調下

風毒丹毒赤腫四順飲子湯調下 眼暴赤腫痛隱

澀難開煎羌活黃芩黃連生地黃湯調下 口舌生

瘡加白銀散同煎服之立效 腮項腫痛加牛蒡子

防風湯調下 咽喉腫痛重舌加升麻枳殼桔梗薄

荷防風煎湯調下日進二服 肺實喘急痰涎壅塞

迷服四味奪命散立愈肺虛上氣喘滿咳嗽加款冬

花五味子人參桑白皮紫苑煎湯調下 驚風後手

足拳攣不舒加當歸熟地黃天麻羌活細辛木瓜膚

骨川烏頭炮去皮臍一同為細末熬木瓜湯調下

脾胃虛弱嘔吐不利乳食不化宜服後安胃和脾散

日進二三服立愈 脾胃久虛肢體羸瘦嘔吐下利

乳穀不化宜常服安胃和脾散日進三服尅日痊安

淋澀小便不通加扁蓄木通燈心滑石煎湯調下

歸命散 治小兒傷風身壯熱氣麤咳嗽或傳瘡疹並

宜服之

人參

去蘆
三錢

淨蒼朮

剉炒
二兩

白茯苓

去皮
二錢

石膏

半兩

甘草

二錢
半錢

右為麤末每服三錢水一盞同煎至八分去渣乳母

多宜服之小兒任意服不拘時候

加減小柴胡湯 治小兒傷風傷寒瘡疹陰陽不和寒

熱往來口苦舌乾或瘧疾寒熱並宜服之

淨柴胡

一兩
去蘆

人參

三錢
去蘆

半夏

湯洗七次
切作片子

甘草

炙各
二錢

半防風

去蘆
三錢

熱甚大便秘澀加大黃同煎服

右咬咀每服五錢水一盞入生薑五片棗一枚同煎

至七分去渣溫服不拘時候

薄荷散 治小兒傷風傷寒肢體壯熱手足冷呻吟驚悸睡卧不寧宜服此藥發散

薄荷葉

一兩一分

天南星

半兩灰炒通黃赤色

右三味為細末週歲半錢連根葱白煎湯下不拘時候若只傷風並進二服立愈若小兒傷風因寒邪相搏或成驚者風藥吐利即寒邪不能發散宜服此退了壯熱寒邪若解驚亦不作却服硃砂丸尤佳若不

先用此藥便用驚風藥吐利即寒邪不能發散隨虛入臟遂成疾而難治也

貼顛藥 治小兒百日内傷風鼻塞服藥不退乃是出胎時被風吹所以有此用天南星一味為末生薑自然汁內調成膏貼顛上鼻不塞便去之

天麻散 治小兒傷風鼻涕鼻塞咳嗽身熱並皆治之

天麻 防風 甘草 川芎 羌活 白芷 麻

黃節去

右等分為細末葱湯調食後服之

麻黃湯 治傷風發熱咳嗽喘急若無汗者宜服之

麻黃 去根節寸剉三錢以水煮去沫漉出控乾 桂 去麤皮二錢不得見火 杏仁 湯浸

去皮尖及雙仁者七個 甘草 炙一錢

右為麤末入杏膏拌勻每服一錢水六分煎至四分去渣溫服不計時候以汗出為度大小加減若有自汗者不宜服之

敗毒散 治傷風時氣寒壅咳嗽 方見本門傷寒類一名十味湯

時氣 附論

夫小兒時氣病候時氣病者是四時之間忽有非節之氣如春時應暖而寒夏時應熱而冷秋時應涼而熱冬時應寒而溫其氣傷人為病亦頭疼壯熱大體與傷寒相似無問長幼其病形證畧同言此時通行此氣故名時氣世呼亦為天行 又小兒天行病發黃候四時之間忽有非節之氣傷人謂之天行其熱入於脾胃停滯

則發黃也脾與胃合俱象土其色黃而候其肌肉熱氣蘊積其色蒸發於外故發黃也 又小兒時氣腹滿候時氣之病腹滿者是熱入腹與臟氣相搏氣痞澀在內故令腹滿若毒而滿者毒氣乘心煩懊者死 又小兒時氣病結熱候時氣之病熱入腹內與肺臟之氣相結謂之結熱熱則大小腸痞澀大小便難而苦煩熱是也 又小兒患時氣病候時氣之病若施治早晚失時投藥不與病相會致令病連滯不已乍瘥乍劇或熱敗壞

之證無常是也 又小兒傷寒時氣病兼瘧疾時氣之病又兼瘧者是日數未滿本當壯熱而邪不退或乘於陰或乘於陽其乘於陽陽浮則熱其乘於陰陰浮則寒陰陽之氣為邪所併互相乘加故發寒熱成瘧也 又小兒時氣病得吐下後猶熱候時氣之病得吐下之後壯熱猶不歇者是腸胃宿虛而又吐利則為重虛其熱乘虛而入裏則表裏俱熱停滯不歇故雖吐下而猶熱也巢氏病源小兒病後不嗜食面青候時氣病熱渴之

後不嗜食而面青者是胃內餘熱未盡氣滿故不嗜食也諸陽之病俱上榮於面陽虛未復本滯風邪風邪挾冷冷搏於血氣故令面青也 又小兒時氣病發復候時氣之病發復者是熱之後氣血未和腑臟熱勢未盡或起早勞動或飲食不節故其病重發謂之復也然發復多重初病者血氣已虛重傷故也 嬰童寶鑑小兒時氣歌時氣皆因節令虧頭疼壯熱汗微微良工若得看形候須作傷寒病有歸 熱毒還從腑氣衝便成熟結

熱在腸中身體苦煩多煩渴更兼便溺不能通 時氣還須早早醫變為敗氣切須知乍寒乍熱無時度或減或增體漸羸 誰言吐下熱無餘只為元因腑臟虛熱盛更虛皮肉澀至今煩渴燥難除 陰陽邪氣兩相并臟腑陰陽彼此爭發作有期名是瘡直須療理莫留停 時氣雖然已漸停猶多餘熱體伶仃心胸氣滿還憎食夾冷須憂面色青 石壁經夜熱晝涼歌夜間遍體猶如湯纔到天明又復涼非是鬼神為崇禍都緣臟腑

有風傷先將妙藥調脾臟次用神方瀉大腸患候但觀
 喉厭動更看眼急鼻頭光須知此病傳瘟疫辨別分明
 醫信良此內因傷物外因傷邪所致也先當表散其毒
 邪次用藥去其積亦主至夜多汗只在其頭額上有之
 亦口中涎響也脾風則然多言有禍崇非也更請細看
 前候 此患緣肌過冷食滯脾胃氣不行於諸經夜熱
 晝涼先進南星丸與三五服後進檳榔散相間與服然
 後平和又須當與白丁香膏取或只以磨積方調氣只

不得便取動難止為肚大恐成疴疾也

方

人參散 治解利傷寒四時氣疫上焦虛弱心神恍惚
 脾胃不和飲食無味口苦舌乾渾身煩熱

人參 茯苓 羌活 桔梗 知母 麻黃去根

枳殼麥炒 甘草炙 川芎 陳皮去白 白朮 厚朴薑汁

製 茱萸水 桂心不見 前胡 削朮 甘草節 獨活

右各等分為末二錢水一盞薑棗煎七分如要出汗

葱白豆豉生薑煎服嗽入杏仁麻黃同煎小兒入薄荷煎婦人止入生薑煎去瘡用挑柳條二十七節同煎

煎

葛根散 治小兒頭疼時氣體熱煩渴

葛根剉 麥門冬去心各三分 黃芩 赤芍藥 人參去蘆

犀角屑 甘草炙微赤剉 川升麻各半兩 石膏一兩細研

右為散每服一錢以水一小盞煎至五分去渣不計時候量兒大小加減溫服

治小兒壯熱時氣驚悸併熱瘡

鈎藤炙 人參 蚱蟬炙 芩各一分 防風二分 蛇脫皮

龍齒三十分 澤蘭四分 石蜜一兩湯成塗之竹瀝一升

右切以水三升煮之七合量兒大小細服之

解肌散 治小兒時氣壯熱頭痛壯熱咳嗽不能食

麻黃三分去根節 赤芍藥 貝母炮微黃 柴胡去苗 杏仁湯浸

去皮尖雙仁 葛根半兩剉 石膏一兩細研 甘草炙微赤剉

右搗篩為散每服一錢以水一小盞煎至五分去渣

不計時候量兒大小加減溫服

八味麥門冬飲子 療小兒天行壯熱咳嗽心腹脹方

麥門冬去心 茅根各六分 甘草炙 人參各二分 紫苑 升

麻 貝母 竹瀝各三分

右切以水二升煮取八合分服忌如常法 細切生

薑葱白皮湯煎附子煮黃雞入牙硝一二分調作羹

與兒食

右用附子煎湯去渣煮黃雌雞肉入薑牙硝作羹空

心服之

丁香丸 治積熱傷寒

烏梅一個切片用去土瓦焙乾 丁香三個 縮砂四個去殼 巴豆兩個去殼用薜

子葉打碎去巴油入鉢內研爛

右除巴豆外為細末入巴豆研勻却用研細百草霜

和勻麵糊為丸如小綠豆大一歲一九米湯飲下積

塊不妨常服有功

小麥煎湯 治小兒麥食夾驚傷寒正受傷寒咳嗽夜

熱晝涼傷風瘡疹之疾大效

麻黃半兩去節湯泡 白朮炮 乾葛二錢半 白茯苓 甘草各二

半錢

右咬咀入麥子二十一粒同煎一方用葱白二寸煎服

傷風附論

夫傷風貪睡口中氣熱呵欠頓悶當發散與大青膏解不散有積食當下大黃丸主之大飲水不止而善食者

可微下餘不可下也傷風手足冷脾臟怯也當和脾後發散和脾益黃散發散大青膏主之傷風自利脾臟虛怯也當補脾益黃散發散大青膏主之未瘥調中丸主之有下證大黃丸主之後服溫驚丸傷風腹脹脾臟虛也當補脾必不喘後發散仍補脾也去脹塌氣丸主之發散大青膏主之傷風兼臟兼心則驚悸兼肺則悶亂喘息更氣長出氣嗽兼腎則畏明名隨補母臟虛見故也傷風下後餘熱以藥下之太過胃中虛熱飲水無力

也當生胃中津液多服白朮散

方

金箔丸 治小兒驚風如食不化成外傷風壯氣氣麓

慢風搖頭口眼不開及赤白利

方見驚風門一切驚風類

消風散 治小兒因解脫風邪傷入毛皮入於臟腑則

冷惡壯熱胸膈有涎目澀多睡虛風神慢小兒有病

服之無變動一方加硃麝尤佳

人參 白茯苓 川芎 厚朴製 羌活 防風

蟬蛻 藿香 殭蠶炒 陳皮 甘草 荆芥

右各等分為末三歲一錢茶清調下大小加減服之

大青膏 治傷風自利脾臟虛怯也當補脾此藥主之

又云肝主風實則目直大叫虛則前牙多欠胸滿短

氣氣急喘嗽故上氣當發散之

天麻末一錢 蝎尾去毒生半錢 硃砂研一字 白附子生一錢半 青

黛一錢 天竺黃一字 烏蛇稍骨酒浸焙乾取末半錢 麝香一字

是

右同再研細生蜜和成膏每服半錢皂子大至一皂子大月中兒粳米大同牛黃膏温薄荷水化一處服之五歲已上同甘露散服信效方云小兒諸方書皆行於汝仁錢氏其間大青膏減天麻添大青生研一分其於藥味分料和製與此皆同載證治云治小兒傷風其候伸欠頓悶口中氣熱惡風脈浮只用薄荷湯下

百解散 治小兒傷風瘡疹之類

貝母炒 麥門冬去心 川升麻各一兩 赤芍藥 甘草各

半兩

右為細末每服一錢水八分一盞入竹葉二片煎至五分去渣温服

棗葉湯 治證同前

棗葉一兩去細焙乾 黃芩 柴胡去苗 人參去蘆頭 甘草炙各一兩

右為細末每服一錢水一小盞入生薑二片煎至五分温服

人參生犀散 解小兒時氣寒壅咳嗽痰逆喘滿心忪
驚悸臟腑或秘或瀉調胃進食又主一切風熱服尋
常涼藥即瀉又減食矣

前胡

去蘆 八錢 桔梗

五錢 人參

切去鬚 三錢 甘草

炙黃 二錢 杏仁

畧晒

乾去皮尖為末 秤五錢

右先將前四味為末後入杏仁再用麤羅為末每服
二大錢水一盞同煎至五分去渣溫別食後服一方
無甘草

五味人參飲子 治小兒天行壯熱咳嗽心腹脹滿

人參

甘草

炙各半兩

生地黃

一兩半如無只用乾地黃半兩

麥門冬

一兩半

右每服三錢水一盞入茅根半握煎至七分去渣溫
服

治小兒經熱天行夜發壯熱夜啼併解傷寒諸證

荆芥

去枝梗

桔梗

苦者各二兩

甘草

一兩半

牛蒡子

二兩畧焙

右為末每服二錢渴點服食空時服

蘆根散 治小兒時氣嘔吐不止

生蘆根 人參去蘆頭 竹茹半

右細剉和勻每半服以水一小盞煎至五分去渣不計時候量兒大小加減溫服

犀角散 治小兒心經熱天行夜發壯熱夜啼並解傷寒諸病

甘草 牛蒡子 荆芥各等分

右麤末每服一錢水八分煎至五分溫服臨卧食前

服

棗葉飲子 治小兒傷寒天行五日以後熱不歇

棗葉半握 麻黃半兩 葱白切一合

右豉一合以童子小便二鍾煎至一盞去渣分二服

青木香散 療小兒天行頭痛壯熱

青木香六分 白檀香三分

右為細散以清和服之以水調塗頂頭痛立瘥量兒大小以意加減

治小兒時氣 用桃葉三兩搗以水五升煮十沸取汁五六遍淋之若復發燒雄鼠屎二枚水調服之聖惠方用桃葉七兩水五升

升麻葛根湯 治大人小兒時氣瘟疫頭痛發熱肢體煩疼及瘡疹已發未發疑二之間並宜服之今人謂此藥寒涼多不肯服今釋其疑說併方詳見傷寒內小兒量大小加減服之一名解肌湯方見本門傷風類一方有桔梗羌活生薑煎服可加四君子湯料同等分煎一方加半夏前胡

治時氣咳嗽者天時冷熱不調而虛得之日夜或吐不止或喘痰熱壅盛至重者利之用

大黃 朴消 枳實 陳皮 人參 半夏 柴

胡各等分

以有胸膈煩悶不快宜服無熱與痰亦不可下

惺惺散 治小兒傷邪瘟病時疫瘡疹頭痛壯熱多睡

潮熱煩渴痰實咳嗽

方見本門傷寒類人參羌活散同

夫小兒瘟病者是時冬時嚴寒人有觸冒之寒氣肉肌入

當時不即發至春得暖氣而發則頭痛壯熱謂之溫病
又冬時應寒而反暖時氣傷人即發亦使人頭痛壯熱
謂之冬溫病凡邪之傷人皆由觸冒所以感之小兒不
能觸冒其乳母抱持解脫不避風邪冷熱之氣所以感
病也 小兒溫病不利後溫病不利者是腸胃宿虛而
感於溫熱之病熱氣入於腸胃與水穀相搏腸虛則泄
故下利也 又小兒溫病鼻衄候溫病鼻衄者熱乘於
氣而入血也肺候身之脾毛主於氣開竅於鼻溫病則

邪先客皮膚而搏於氣結聚成熱熱乘於血血得熱則
流散發從鼻出者為衄也凡候熱病鼻衄其數發汗
汗不出或初染病已來都不汗而鼻燥喘息鼻氣有聲
如此者必衄也小兒衄止至一升數合熱因得歇若至
一斗數升則死矣 又小兒溫病結胃候凡溫熱之病
四五日之後熱入裏內熱腹滿者宜下之若熱未入裏
而下之早者裏虛氣逆熱結胃上則胃充滿短氣謂之
結胃也

方

萎蕤湯 治風温冬瘟及春月中風傷寒發熱頭痛咽乾舌強胃腹滿腰脊強

葛根兩半 萎蕤分三 石膏兩一 白薇 羌活 麻黃 川

芎 杏仁泡去皮尖 甘草炙各半兩 青木香一分初春用半兩寒熱加芒硝

大黃

右以咀每服三錢水一盞煎至八分日三服

柴胡石膏散 治時行瘟病壯熱惡風頭痛體疼鼻塞

咽乾心胃煩滿寒熱往來痰實咳嗽涕唾稠黏

柴胡去苗 石膏 前胡去苗 乾葛剉 赤芍藥各五兩 升麻

二十 黃芩 五兩 桑白皮剉

右為麤末每服二錢水一盞入生薑三片豉十餘粒同煎七分去滓稍熱服小兒分作三服更量大小加減不計時候

甘桂湯 治春間疫氣飲作為先氣壅累風痰嗽頭昏鼻塞因悶是其疾也當先以甘桂湯理之凡春氣動

先以此湯驅之大人小兒皆可服

甘草灸 官桂皮去 五味子 黃芩各一兩 柴胡四兩

右以咀每服三錢水一盞薑五片煎七分去渣溫服

次二服渣再合煎一服

昔政和二年春澧陽疫疾大作服此藥皆免

防風散 解時疫溫病嗽喘煩渴頭痛體疼目澁多睡

肌肉蠕動痰逆忪悸

防風 川芎 甘草灸 香白芷各二兩 菊花一兩

右為細末每服一錢煎荊芥湯調放溫服

除溫散 治三十六種夜熱晝涼溫病候

大黃 朴硝研各一分 牽牛粉半兩 檳榔二箇

右為末每服半錢煎黃芩湯調下臨臥時服

香蘇散 治四時瘟疫傷寒

香附子炒去飛 紫蘇葉各四兩 青橘皮三兩不去皮 甘草一兩

右為麤末每服三錢水一盞煎七分去渣熱服不拘

時日三服解肌加乾葛煎若作細末只服二錢入鹽點服

黑膏子 治小兒初春病入肌肉發斑癩疹如綿紋咳

嗽心煩 方見大人傷寒門溫病類

紅綿散 治傷寒及咳嗽 歌曰 頭疼壯熱口難傳

懶倦終朝只愛眠 面赤更加小便赤 良方

有劑裏紅綿

麻黃 半兩 去節 天麻 蝎 甘草 炙 人參 白朮 各半兩

右為末每服半錢水六分入葱白一寸紅綿裏煎四分服

治小兒大人傷寒一二日頭疼發熱增寒體痛

麻黃 湯浸 焙乾 石膏 各一兩 蒼朮 水浸 去皮 桔梗 山茵陳

甘草 炙 各半兩

右為末每服二錢葱茶調下小兒一錢半錢

犀角散 治傷寒六七日大便不通熱甚者

犀角 末 大黃 炮 柴胡 各一兩 人參 半兩 朴硝 甘草 各一兩

右為細末每服一錢水八分入生薑二片棗子一箇煎至五分去渣溫服量兒大小加減服之

藿香散 治小兒傷寒吐逆不定作熱常服調順陰陽和養脾胃止煩渴

藿香分 木香分 葛根一兩 人參半兩 去蘆頭 丁香分 甘

草半兩 灸對

右為散每服一錢以水一盞煎至五分去渣量兒大

小臨時分減溫服 一方有麥門冬無葛根一名人參散

鉛霜散 治小兒傷寒壅熱心狂譫語

鉛霜 馬牙硝 人參去蘆頭 鬱金各一分 甘草半分 灸微

赤對 茯神一分

右為散每服半錢煎麥門冬湯溫調服量兒大小以意加減服之

麥門冬湯 治小兒未滿百日傷寒鼻衄身熱嘔逆

麥門冬十八銖 石膏 寒水石 甘草各半兩 桂心八銖

右以咀以水二升半煮取一升每服一合三服量兒大小加減服之

莽草浴湯 治小兒傷寒

莽草斤半 牡蠣兩四 雷丸三十 大黃兩一 蛇床子升一

右為以水三斗煮取斗半適寒溫以浴兒避取及陰

減桂建中湯 治傷寒自汗補虛和陰陽一名加減建中湯

黃耆兩一 白芍藥兩三 甘草兩一 人參 熟地黄各半

右以咀每服二錢水半盞煎三分去渣服

黃連葛根湯 治太陽病桂枝證反下之利遂不止脈

促表未解喘而汗出者

黃連三分 葛根兩三 甘草兩半 黃芩三分

右以咀每服三錢水一盞煎至七分去渣量兒大小以意加減服之

桂枝人參湯 治太陽病表證未除而醫數下之協熱

而利利下不止心下痞硬仲景謂之表重不解

桂枝兩一 人參兩一 甘草兩三 白朮兩一 乾薑兩一

右吐咀以水煎去渣加減服日二夜一服

桂枝加芍藥湯 治太陽病反下利因腹痛是有表復

有裏腹痛甚者宜桂枝加大黃湯全嬰方云治太陽

中風陽浮而陰弱陽浮者熱自發陰弱者汗自出

當寒翕翕發熱鼻鳴乾嘔者一名桂枝湯

桂枝一兩芍藥三兩半利者三四沸生薑一兩甘草一兩

微赤

右吐咀水煎加減服痛甚加大黃實痛者加一兩半

羸者減之全嬰方藥飲為子每服三錢水一盞煎至

八分去渣大小加減服須臾啜熱粥一盞以取藥力

覆令一時許通身熱微似汗出者佳加減桂枝湯自

南北二方居人四時行之皆驗江淮間唯春冬可行

春末及夏以前桂枝證黃芩一分謂之陽旦湯夏至

已後有桂枝證可加知母石膏各半兩或加升麻一

分若病人素虛寒者正用古方不在加減也或曰桂

枝竅難用雖云表不解脈浮可發汗宜桂枝湯須是

病人常自汗出小便不數手足温和如手足指稍作微冷少頃却温身雖微自煩而又增寒如可行之若病人無汗小便數或手足冷不惡寒者忌不可行桂枝湯也仍有桂枝證服無桂枝證者尤不可再與桂枝加大黃湯 治證同前

桂枝

三分 去皮

芍藥

一分 兩

大黃

半兩 大實痛者 半兩 羸者減之

甘草

炙 半

兩

右咬咀入薑棗同煎加減服之

五苓散

治傷寒温熱病常欲飲水水入便吐水停胃滿不下不問小便利不利飲出汗而昏燥及霍亂吐瀉大陽病發汗後大汗出胃中乾燥煩燥不得臥欲得飲水少少與之令胃和則愈若脈浮小便不利微熱消渴發汗脈浮數中風發熱身疼熱多飲水並宜服之

澤瀉

一分 兩

白朮

白茯苓

木猪苓

去皮 各 三分

桂心

兩 半

右為末一錢白湯調服欲飲水者新汲水調但服多汗出立愈伏暑飲水多心腹脹悶吐瀉者服之立效五苓散竅治小兒吐逆亦治腫甚效有身熱多渴只喫湯者是內寒宜煎服之若渴小便赤澀加辰砂減桂用燈心麥門冬湯調冷服如身熱煎薑棗湯服之猪苓湯 治傷寒瘟疫脈浮發熱渴欲飲小便不利屬陽明病少陰病不利六七日咳而嘔渴心煩不得眠宜服

猪苓 茯苓 阿膠 滑石 澤瀉

右等分呔咀白水煎去渣入膠再煎洋加減如意服之

麻黃黃芩湯 治小兒傷寒無汗頭痛發熱惡寒并天行熱氣生發豆瘡不快煩燥昏憤或出瘡痘身疼體熱者

麻黃一兩 黃芩 赤芍藥 甘草 桂枝去皮已

分

右為末沸湯調下半錢或作飲子水煎亦可

葛根散 治小兒傷寒四肢煩熱頭疼體痛心燥口乾

發渴

葛根

麻黃

去根節

人參

各半兩

肉桂

去麁皮

甘草

各一分

右為麁散三歲兒每服一錢水一小盞生薑少許棗

子一枚同煎至五分去渣溫服量兒大小加減不拘

時蓋取汗汗出溫粉粉之

七寶飲

治時氣傷寒頭痛壯熱肢體煩疼小兒同乳

母服

蘇葉

三兩

香附

炒三兩

橘皮

一兩

桔梗

一兩

白芷

一兩

每用薑一錢同煎如煩渴則以五苓散加山茵陳同

煎一方加川芎一兩呔咀每服二錢水半盞薑一

片棗子半枚煎至三分去滓溫服一名七寶散一

方加麻黃少許魏公用驗

桔梗散 治小兒傷寒頭熱足冷顛門張者難瘥多躁

啼不睡小便赤少四肢熱者

桔梗

人參各去蘆頭

葛根

剉各半兩

附子

炮裂去皮臍

甘草

炙

赤剉各一分

右搗羅為散每服二錢以水一小盞入生薑少許煎至五分去滓不計時候溫量兒大小以意增減

知母散 治小兒傷寒體熱煩燥

知母

甘草

炙微赤剉

竹茹

麻黃

去根節

杏仁

湯浸去皮尖雙

仁麩炒微黃各一分

右搗羅羅為散每服一錢以水一小盞入葱白二寸

香豉三十粒生薑少許煎至五分去渣不計時候溫服量兒大小以意加減

天麻散 治小兒傷寒

天麻

荆芥穗

甘草

炙各半兩

麻黃

去節一兩

全蝎

一分

右為末每服一錢水六分盞薄荷三葉同煎四分通口服

紅龍散 治小兒驚風及四時傷寒渾身壯熱唇口焦

乾兩目翻露搐搦昏迷

龍齒 鉛白霜各二錢 硃砂半錢 龍腦許少 天南星水浸七日

逐換水薄切日曬乾為末五錢

右為細末每服半錢蜜水調下食後服之

人參散 治傷寒

人參 甘草灸各一分 麻黃一兩半 桔梗一兩 茯苓半兩

右為末每服一錢葱白薄荷湯調下

餓虎散 治傷寒後不思飲食

人參一錢 肉豆蔻一箇 殭蠶七箇 良薑 甘草灸各二錢

右為末每服一字木瓜湯下或粟米湯下

人參散 治小兒傷寒胃煩悶喘促

人參半兩 麻黃半兩 甘草半兩 貝母一分 杏仁一分

去蘆去節 灸剉 微黃 一分湯浸去皮麩炒微黃

右為散每服一錢以水一小盞煎至五分去渣不計

時候量兒大小加減溫服

大黃散 治小兒傷寒壯熱心燥頭痛口乾小便大便

赤難

川大黃

半兩炒

梔子仁

黃芩

赤芍藥

甘草

各

一分

右為散每服一錢以水一小盞煎至五分去渣量兒大小分減頻服以利為效

牡蠣散

治小兒濕溫傷寒四肢或時壯熱或時厥冷

汗多自出如珠子者生如油者死頭額熱疼面色赤

墨聲多乾叫寸口脈浮洪大關尺脈沈實息數不勻

此候宜服

牡蠣

一兩燒為粉

附子

半兩炮裂去皮臍

麻黃

半兩去根節

人參

半兩

去蘆頭

甘草

半兩炙微赤剉

右為散每服一錢以水一小盞煎至五分去渣不計

時候溫服量兒大小如意加減服之

不換金正氣散

治感冒傷寒惡心嘔吐發熱瀉痢停

食腹痛及風濕頭目昏重時發壯熱

藿香

陳皮

各五錢

半夏

三錢切炒黃色

蒼朮

一兩米泔浸

苓

五錢

右用粉草五錢同剉散每服一錢生薑三片紅棗一枚煎至食前溫服

芍藥解肌湯

治小傷寒煩熱頭體痛

一名四物解肌湯

芍藥 黃芩 升麻 葛根

各半兩

右以水三升煮取九合去渣分服暮歲以上分三服一方有麥門冬無葛根

麻黃杏仁湯

治傷寒飲水過度水停心下故喘又水

入腎亦喘喘高者死譊語直視而喘者亦死發汗後

不可行桂枝湯汗出而喘無大熱者宜用

麻黃

一兩去節

杏仁

一兩去皮尖麩炒

甘草

半兩炙

石膏

一兩

右以咀每服三錢水一盞煎至七分去渣加減服太

陽病下之微喘表未解桂枝湯

加厚朴六錢杏仁五十箇

防已湯 治傷寒喘促及九年喘急

防已

一兩炮用肉

麻黃

不去節

杏仁

去皮尖麩炒各一兩

右為咀咀水煎臨熱入臘茶少許再沸去渣量兒大

小加減服之

大承氣湯 治陽明病不吐而煩者宜服陽明病脈遲
 雖汗出不惡寒體重腹滿而喘有潮熱可攻其裏手
 足濇濇汗出為大便已堅宜服之陽明病其人多汗
 津液外出胃中乾燥大便必堅堅者必譫語宜服之
 陽明病發作有時汗不散腹脹痛宜服陽明少陽陰
 合病自利脈浮者順滑而數者有宿食宜服之少陰
 病口燥舌乾宜服之少陰病脈細沉數病在裏不可
 發汗宜服之少陰腹滿不大便者宜服之

大黃 半兩微剉炒 厚朴 一兩製 枳實 一兩炒 芒硝 半兩

右為飲子白水煎臨熱入芒硝再沸去渣加減服
 一方作枳殼薑煎

雙解散 治傷寒頭痛口乾煩滿腹脹身熱不食譫語
 耳聾囊縮而厥水漿不入不知人者難治五臟已傷
 六腑不通榮衛不調如是者三日死治法當表裏俱
 救

茵陳 麻黃 去節 大黃 煨 石膏

右等分為末荆芥湯茶調下加減服之

四皓飲 治小兒傷寒頭疼發熱心燥

大黃 川芎 甘草 荆芥

各等分

右以咀白水煎去渣量兒大小加減服之

防風散 治小兒傷寒及諸熱兼治瘡痘入目生翳

一名

連翹飲

防風 連翹 山梔子仁 甘草

右等分以咀三歲一錢水半盞煎三分去渣服

升麻湯 治小兒中風頭疼增寒壯熱肢體疼痛鼻乾

不得睡兼治瘡痘已發未發皆可服兼寒暄不時人

多疫病乍暖脫着及暴熱之次忽變陰寒身體疼痛

頭重如石加黃芩名曰升麻黃芩湯治傷風頭痛發

熱惡寒自汗時行瘡痘出不快加大青等分治身熱

風疹天行熱疾

方見本門傷寒類一名解肌湯

時雨散 治小兒春冬傷寒發極效冬春及夏初行之

甚效

蒼朮四兩

甘草

麻黃

去節各二兩

猪牙皂角

四柱

右咬咀水煎去渣被蓋汗出立效但是時行寒疫皆宜服如時氣腦熱頭疼不止朴硝水調塗頂上

犀角地黄湯 治小兒傷寒及瘟病應發汗而不解內

有瘀血者及鼻衄吐血不盡內餘瘀血大便黑者此

方消化瘀血兼治瘡疹出得太盛

赤芍藥

三分生薑

地黄

二兩牡丹皮

一兩犀角

無升麻

代

右咬咀三歲一錢水半盞煎至三分去滓加減服

大青四物湯 治小兒傷寒熱病十日以上發汗吐下

後熱不除身上斑出

大青

四兩阿膠

炒一兩甘草

炒二兩

豉

四兩

右咬咀白水煎加減服

黃龍湯 治小兒傷寒身熱不退者

柴胡

黃芩

甘草

赤芍藥

等分

右為麤末每服一錢薑一片棗子半箇用水一中盞

煎至五分去滓服不拘時

紅綿散 治小兒傷寒壯熱解表及疹痘蒸熱

麻黃半兩 乾蟬七箇 天麻 甘草各一分
並焙乾

右為末每服一錢紅綿一片摻藥於綿上入生薑一片棗半箇同煎至半盞去綿薑棗冷服

解肌發汗散 治少小傷寒熱

麻黃四兩 杏仁炒 桂心各一兩 大黃十二銖
去節

右為末二百日兒乳汁和服大豆大四九抱出汗

金花散 治小兒傷寒

鬱金半兩 馬牙硝一兩 膩粉 硃砂各半錢
末

右為散每服一字用麥門冬熱水調

小黑膏 治小兒傷寒風癩

烏頭 天南星各一枚 大者燒通赤八小瓶內 溫
紙密口冷火減取刮之中心存白

處如皂莢子大為度須燒數枚擇中度者可用 玄參各末五錢

右蜜和葱白湯下豆許頻服筋緩急和乳香同葱白

煎湯下昔潤州傳醫博賣此藥小兒傷寒發熱服二

三九令小睡及醒已涼矣有小兒者當如其方而服之

解交散 治小兒傷寒

茵陳 升麻 茯苓 甘草 各灸各二錢

右為末每服半錢一字葱白湯下

浮萍散 治傷寒壯熱先宜出汗

浮萍 麻黃 京芎 天麻 各二錢

右為末每服二錢薄荷酒調下覆令出汗

麻黃湯 治傷寒頭疼發熱身痛惡風無汗喘滿又治

太陽病脈浮緊無汗發熱身疼痛八九日不解表證仍在此當發其汗服藥已微除其人發煩目瞑劇者必衄衄乃解所以然者陽氣重故也

麻黃 一兩半 去節 桂枝 一兩 甘草 半兩

右以咀每服三錢水一盞煎至八分去渣大小加減服覆取為汗不須喫粥加減法夏至後須加知母半兩石膏一兩黃芩一分益麻黃湯性熱夏月服之有

發黃斑出血之失凡傷寒熱病藥性須涼不可大温
唯冬及春并病人素虛寒及用正方不在加減

小承氣湯 治太陽病吐下後發汗而後煩小便數大
便堅宜服陽明若出汗多而微寒為外未解無潮熱
可服之若腹滿不大便可稍稍俟之

大黃一兩 厚朴半兩 枳實一箇大

右咬咀同煎陽明病潮熱大便微硬可服大承氣湯
不硬者不可服之若不大便六七日恐有燥屎欲知

法少 小承氣湯湯入腹中轉失氣者此有燥屎也
乃可攻之若不轉失氣者必初硬即溏不可攻之攻
之必腹滿不能食也欲飲水者飲水則噦其後發熱
者必便硬而少也以小承氣湯和之不轉失氣者忌
不可用也失實則譫言虛則鄭聲者則重語也直視
譫言喘滿者死不利者亦死發汗多若重發汗者亡
陽譫言脈短者死脈和者生傷寒若吐下後不解本
不大便五六日已上至十餘日日晡時發熱發潮不

惡寒獨語如見鬼狀若劇者發則不能識人循衣摸床惕而不安微喘直視脈眩者生滿者死微者但發熱譫言者大承氣湯主之陽明病多汗以津液外出胃中乾燥大便必硬硬則譫語小承氣湯主之若一服利者止後服

調胃承氣湯 治傷寒發熱後若寒虛也不惡寒但熱者實也當下傷寒十三日過經譫語者當下之若自利者脈當微厥及和者比為內實者當下之太陽病

經十餘日心下溫溫欲吐而胃中實大便溏腹微滿鬱鬱微煩當下之大陽病三日發汗不解蒸蒸熱者當下之

大黃 一兩 芒硝 九分 甘草 半兩

右咬咀大黃甘草二味以水一盞煮至七分去滓下芒硝更上火煮二三服須服之

梔子仁湯 治陽明病脈浮咽乾口苦腹滿汗出而喘不惡寒反惡熱心燥譫語不得眠胃虛客熱舌燥宜

服陽明病下之其外有熱手足溫者心中煩墮饑不能食頭有汗宜服傷寒六日吐後發汗虛煩不得眠劇者心神顛倒宜服傷寒六七日大下之後身熱不去心中結痛此為欲解宜服

梔子仁

甘草

炙各一兩

加香豉壹兩

名梔子豉湯

右為末每服三錢水一盞豆豉五十粒煎七分去渣溫服

白虎湯

治傷寒脈滑而微厥表裏有熱三陽合病腹

滿身重難以轉側口中不潤臥後讖語遺尿發汗則讖語下之則額下生汗手足逆冷自汗出並宜服之服桂枝湯後有大汗出煩渴不解脈洪大傷寒嘔吐若下後七八日不解結熱在裏俱熱時時惡寒大渴舌上乾燥而煩欲飲水數升傷寒大無若口乾燥渴心煩背微惡寒渴飲水無表裏證者並宜白虎湯加人參湯脈浮發熱無汗不可服諸亡血不可服活人書曰脈厥而滑裏有熱白虎加人參黃濟云傷寒及

溫熱病脈大洪增寒壯熱煩渴欲飲水及夏月傷暑發熱惡寒身體疲重大渴不止燥煩汗出脈細小手足微冷并時疾未經轉瀉胃熱發斑兼痘疱麤疹天行後餘熱不解但是一切伏熱並可服董氏云小兒瘡痘其證未全或未明者與白虎湯如秋冬入春寒未用白虎湯之時但加棗葉煎不必拘常法

知母一兩半 甘草兩半 粳米一合半
方用八錢

右以咀白水煎加減服加人參半兩名白虎加人參

湯又方加石膏四兩亦作四錢 一方棗一枚同煎每服一錢水一小半盞煎三分相服之

三和湯 治小兒傷寒鼻塞聲重痰嗽體熱煩燥方見前

右為末每服三錢水半盞煎三分熱服進三服葱粥投之衣被蓋汗出立瘥

團參湯 治小兒傷寒發汗吐下後毒氣不散表虛裏實熱發於外故身斑斑如綿紋甚則燥譫語兼治喉閉腫痛

團參 升麻 甘草

右等分咬咀白水煎加減服

茯苓湯 治小兒傷寒咳嗽喘麓肌熱煩燥傷渴

白茯苓一兩 烏梅肉半兩
兩 微炒

右搗節為麤末每服一錢以水一小盞入生薑錢子一片煎至五分去渣溫服不計時候量兒大小加減

治小傷寒

梔子仁一枚 棗子一箇 牙硝燒灸

右以古字錢兩文燒令赤水淬七度將此水調三味灌之立愈

走馬散 治小兒三歲以下忽患傷寒陰陽二毒此因母之毒氣所致庸醫多不會自見壯熱不食多睡便以冷物與喫即兒轉不安加甚蓋藥熱動風藥寒嘔逆宜服之

大黃末一兩 醋煮 乾地龍一枚 牙硝一分
冷如麩用

右為末同研三百下令蔭乾再搗為末生薑汁調灌

立見神驗量多少灌

黑散方 治小兒傷寒退熱方見初生門變蒸類

治小兒傷寒頭痛口乾心煩

生薑片少許 竹瀝合一合半 蜜合半

右相和令勻二三歲兒分為三服

發汗散 治少小傷寒發熱解肌

芍藥 黃芩 葛根各二分

右切以水三升煮一升為四服一歲兒為三服

金花散 治小兒傷寒

肥皂角子一百箇銼內炭 訶子皮五箇 甘草二寸清油煎黃

右為末每服半錢溫水調下治五歲以下

四十八候三黃散 治証受傷寒

麻黃節不去 大黃蒸各一分 黃芩半

右為細末每服半錢葱湯下日進二服其有胸口不

悶但嘔者此名溫毒也宜服之

生薑 地黃半斤 好豉

右以猪膏二斤令研絞汁用麝香雄黃和服毒便後皮膚中出則愈忌蕪荑

熱病 附論

夫小兒熱病者是冬時嚴寒人有觸寒氣入於肌肉當時即不發至春得暖而發則病痛壯熱謂之心熱疾又冬時應寒而反暖其氣傷人即發亦使人頭痛壯熱謂之冬溫凡邪之傷人皆由觸冒所以感之小兒雖不能觸冒其乳母抱持解脫不避風邪冷熱氣所感病也黃

帝曰傷寒熱病死候有九四曰老人嬰兒熱病腹滿者死

方

石膏散 治小兒熱病煩熱驚悸

石膏 細研 川大黃 剉碎微炒 甘草 炙微赤剉 大青 黃芩

梔子仁 知母 葳蕤 川生麻 葛根 剉龍

膽 去蘆頭各一分

右為散每服一錢以水一小盞煎至五分去滓不計

時候量大小分減服之

吳藍散 治小兒熱疾頭痛心燥眼黃

吳藍 大青 蘆根剉 石膏細研各一兩 甘草炙微赤剉 麥

門冬去心倍 黃芩各三分 茵陳 梔子仁各半兩

右為散每服一錢以水一小盞煎至分去滓不計時

候量兒大小加減溫服

犀角散 治小兒熱病煩熱不解大小腸祕澀心胃悶

亂

犀角屑 赤芍藥 黃芩 川升麻 梔子仁

地骨皮 甘草炙微赤剉 麥門冬去心 川大黃剉微炒各

三分

右為散每服一錢以水一小盞煎至五分去滓不計

時候量兒大小分減溫服

珍珠散 治小兒熱病心神狂燥身熱如火頭痛煩渴

眠臥不安

珍珠末 馬牙硝 寒水石 太陰元精各一分 龍

齒 鉛霜 朱砂 各半兩 牛黃 麝香 各半兩

右研令細不計時候以新汲水調下半錢量兒大小

加減服

珍珠散 治小兒熱病口乾心神煩燥

珍珠 末 牛黃 龍腦 各一錢並細研 瓜根 茯神 硃砂

研水飛 馬牙硝 寒水石 並為細末各分

右半拌勻每服半錢蜜水調下量兒大小加減

解肌散 治小兒熱病口乾身體壯熱心神煩燥宜服

一名解肌湯

麻黃 三分去節根 葛根 剉 赤芍藥 黃芩 川升麻

甘草 炙微赤剉各半兩

右為散每服一錢以水一小盞入葱白五寸煎至五分去滓不計時候量兒大小加減溫服令有汗出即

瘥 一方白水煎

茵陳散 治小兒熱病心煩壯熱口乾多渴宜服

茵陳 麻黃 去根節 赤芍藥 甘草 炙微赤剉 黃芩 葛

根剉各半兩

右為散每服一錢以水一小盞煎至五分去滓不計時候量兒大小增減溫服溫汗出為效

牛黃散 治小兒熱病壯熱心悶

牛黃半分 硃砂各細研 茯神 楷萋根剉 苦參剉 甘草

灸微赤剉各一分

右細羅散入研藥同研勻不計時候以新汲水調下半錢量兒大小以意增減

石膏散 治熱病

石膏 白茯苓 乾葛根各一兩 甘草灸 黃芩 芍

藥各半兩

右為細末每服一錢水一小盞入竹葉薄荷各少許煎至五分去渣溫服

犀角飲子 治小兒熱病口乾心神煩燥

犀角屑 川大黃炮細剉 川升麻各一兩 赤芍藥 人參

去蘆頭 甘草灸各半兩

右為末每服一錢水一盞入竹葉三片煎至五分去渣放溫服

地骨皮散 治證同煎

地骨皮

洗焙乾

川大黃

微炮

黃芩

各一兩

麥門冬

去心黃耆

甘草

炙各半兩

右為細末每服一錢水八分一盞荆芥少許煎至五分去渣溫服

子苓散 治小兒熱病皮膚壯熱

子苓 川升麻 梔子仁 大青 甘草 炙微赤 剉各一分

右細羅為散不計時候以新汲水調下半錢量兒大小加減以意服之

胡黃連散 治小兒熱病壯熱心悶

胡黃連 梔子仁 牛黃 細研 甘草 炙微赤 剉 子苓

右細羅為散研入黃芩牛黃令勻不計時候以蜜水

調下半錢量兒大小加減服之

地黄散 治小兒熱病

生乾地黄一兩 棗葉一握 梔子仁 黃芩 陳橘皮

湯浸去白 各半兩

右為細末每服一錢水八分一盞入葱白鹽豉各少

許煎至五分去渣溫服

生地黄湯 治小兒熱病煩渴頭痛壯熱不止

用生地黄汁三合濾淨入生蜜半合和勻時時與一

合服量兒大小加減服

治小兒熱病煩渴 取善葶根末不計時候以乳汁

調半錢量兒大小加減服之

治小兒熱病腹脹大腸不通

用牽牛子半兩微炒擣細羅為散每服以橘皮湯調

下半錢稍利為效量兒大小以意加減服之

發黃 附論

夫發黃皆由寒溫之氣蘊結在於脾胃蒸發而成也陽

明病無汗小便不利心中熱壅必發黃凡發黃寸口無脈鼻氣冷並不可治巢氏云凡發黃而不利心腹滿者必死診其脈沈細者亦死又有百日半歲小兒非傷寒溫病而有微黃者亦是脾胃熱忌不可灸也灸之則熱甚此是將息過度所為衣當薄數與除熱粉散粉之自愈不得妄與湯藥及灸 小兒瘵熱在胃或濕熱相搏熏肌散肉其證目黃身或疼痛肌肉如橘色或得之傷寒或得之時氣或得之風溫皆脾胃氣虛邪熱與穀氣

相搏所致也利其小便則愈

方

升麻湯 治小兒發黃

升麻 黃芩去黑心 山茵陳 柴胡去苗 瓜蒂 知母

藍葉各一兩 山梔子仁一分 大黃剉炒 石膏搗碎各一兩半

甘草炙 芍藥各半兩 羚羊角銹三分

右麤搗篩三四歲兒每服一錢水七分煎至四分去渣溫服早晨午後近夜合一服量兒大小加減

連翹赤小豆湯 治小兒傷寒發黃身熱

麻黃去節連翹 甘草炙生薑 赤小豆各二兩杏仁

四十個生白皮剉二兩大北棗十二個

右呔咀白水煎 又一方生小麥苗搗汁服之立效

桑白皮湯 治小兒發黃

桑根白皮剉麻黃去根節湯煮掠沫秦苑去苗土各一分大黃剉炒

兩半

右麤搗篩每一錢水七分牛乳一合同煎至五分去

渣分温食煎日三服量兒大小加減

茵陳湯 治小兒陽明病發熱汗出者此為熱越不能

發黃也但頭汗出身無汗劑頭頸而還小便不利渴

欲飲水者此為痰熱在裏必發黃傷寒七八日身黃

如橘色小便不利腹滿者並皆主之

山茵陳 梔子仁 川大黃

右等分呔咀水煎加減服日進三服小兒小便當利水尿如皂莢汁狀色正赤一宿腹減黃隨小便中去

也

梔子槩皮 治小兒傷寒身黃發熱

梔子仁 十五個 甘草 一兩 黃蘗 二兩

右㕮咀白水煎加減服

三黃湯 治小兒天行發黃心腹脹急

大黃 剉 黃芩 去黑心 各 一兩半 山梔子仁 三分

右麤搗篩三四歲兒每服一錢水七分煎至四分去渣溫服取利為度

瓜蒂散 治小兒傷寒發黃

枯蕒根飲 治小兒忽發黃面目皮肉並黃

用生枯蕒根搗取汁二大合入蜜一大匙和令勻火煖分為三服

治小兒傷寒發黃方

用土瓜根搗汁三合服之

又方 用韭菜根搗汁澄清取如大豆許瀝兒鼻中即出黃水病瘥

又方 用青麥搗汁服之

治小兒四歲發黃本草

生搗正瓜紋汁三合與飲不過三飲已足

茵陳湯 治小兒發黃等病身如橘色

山茵陳 山梔子各一兩 川大黃 芒硝 木通

寒水石各半兩

右咬咀每服一錢水八分煎至五分去溫服

傷暑附論

凡大人小兒中暑悶倒急扶在陰涼處切忌與冷水得冷即與暑相擊而死當以帕子或布巾蘸熱湯熨臍腹間暖即瘥頻用熱湯或懷抱小兒道塗中無覓湯處即掬熱土於臍上仍撥開小窩子尿於中當日處稍熱可代湯熨之良久嚼大薑一塊以水嚥下續用解暑藥黃龍九五答散白虎湯隨證用之

方

枇杷葉散 治胃暑伏熱引飲過度脾胃傷冷飲食不

化胃膈痞悶嘔噦惡心頭目昏眩口乾煩熱肢體困倦不思乳食或陰陽不和致成霍亂吐瀉

枇杷葉去毛 陳橘皮去白 丁香各半 香薷三分去土 厚

朴四兩 麥門冬去心 乾木瓜 白茅根 甘草各

一兩

右咬咀每服二錢水一小盞生薑二片煎至七分去渣溫服或作細末煩燥引飲用新汲井水調下不計時候三歲已下分作三服 一方加百藥煎

清膈飲子 治小兒伏暑嘔吐

香薷 淡竹葉去枝節 白茯苓 人參去蘆 半夏曲

檀香各半 甘草各一兩 白粳米一合

右咬咀每服一錢水半盞生薑一片煎至一半去渣溫服量兒大小加減與之

香薷丸 治大人小兒傷寒傷暑伏熱燥渴昏悶頭目昏眩胃膈煩滿嘔噦惡心口乾舌苦熱肢體困倦不思飲食或發霍亂吐利轉筋並宜服

香薷

去土 一兩

白茯苓

去木 半兩

乾木瓜

紫蘇莖葉

並用 去麩

根各 一兩

丁香

藿香葉

去土

甘草

炙

檀香

剉各 半兩

右為細末煉蜜和丸每兩作三十九丸每服一九至二丸細嚼溫湯下或新汲水化下亦得小兒服半丸不計時候

家傳異功丸

治消暑生津治渴

澤瀉

一兩 二錢

猪苓

湯浸去 皮三分

官桂

半兩 減半

茯苓

三分

白朮

半兩

人參

半兩 去蘆

辰砂

半兩 別研

右為末煉蜜丸如芡實大或夏月去路轎裏含化免喫水妙若小兒夏月心熱煩渴引飲煎燈草竹葉湯化遇渴投之止

治小兒中熱面赤身如火熱或眼赤

當歸

二錢

馬牙硝

鬱金

三枚用皂角水 煮乾各一分

甘草

一分

右為末細研一字或半錢冷水調下

治小兒中暑吐利 用白蒺藜苗研汁服

治中暑悶絕宜急扛在陰處切忌不可飲冷水急取

大蒜及路中日曬熟土同研新水調去渣灌服

香薷散 治身熱惡寒頭痛或往來寒熱如瘧煩燥渴

甚嘔吐背寒面垢洩瀉昏悶脈伏宜用香薷散每服

二錢水一盞茵陳車前各加莖煎熟服嘔吐加茯苓

加藿香木瓜洩瀉加烏梅陳米熱瀉加黃連每服各

加少許 一方右為末用燈心車前子同煎吐瀉加

茵陳生薑汁調服其效如神 又方用五苓散平胃

散合和紫蘇葉烏梅煎湯下

五苓散 治冒暑伏熱吐瀉煩渴陰陽未分表裏未解

傷風受濕並宜服之

猪苓 澤瀉 白朮 赤茯苓 薄桂 木通

山茵陳 天花粉 瞿麥 一方煎喫

右為散用燈心車前子同煎如熱甚加小柴胡湯去

桂各等分煎喫

消暑丸 治中暑煩悶嘔吐多痰

大半夏 醋煮 白茯苓 甘草

右為末薑汁煮糊為丸每服三十九空心溫水下



普濟方卷三百六十九

總校官候補知府臣葉佩蓀

校對官學錄臣常 循

謄錄監生臣連 篤